



國朝寶鑑

三十三

正宗朝一

廿二八

リ 6  
3059  
23





國朝寶鑑卷之六十九

正宗朝一



正宗文成武烈聖仁莊孝大王

諱祚字亨運壬申九月二十二日己卯誕

降于昌慶宮之景春殿在位二十四年庚

申六月二十八日己卯昇遐壽四十九葬

健陵原在水

英宗大王五十二年丙申三月丙子日五英

宗大王昇遐于慶熙宮之集慶堂越六日辛

巳 王世孫即位于崇政門尊 睿順聖哲



王妃金氏為王大妃以孫繼祖當為禰位之  
義也冊嬪金氏為五妃 上 思悼世子之  
子也 伯父孝章世子早薨及 思悼世子  
薨 英宗命以 上承 孝章統至是追尊  
孝章世子為王上謚曰溫良睿明哲文孝章  
廟號曰真宗陵曰永陵 嬪趙氏為王后上  
謚曰徽貞賢淑孝純追上 思悼世子謚曰  
莊獻尊垂恩墓曰永祐園廟曰景慕宮尊  
惠嬪洪氏為惠慶宮告廟受賀頒教大赦辛  
未冬 莊獻世子夢神龍抱珠入寢覺而晝

其狀於壁及誕降覃訃之音發如洪鐘隆準  
龍顏河目海口質相特異 英宗臨視喜甚  
語 惠嬪曰得此兒宗社無憂乎手撫額曰  
是酷類予即日定號為元孫未百日而立未  
周歲而步自未語見文字輒有喜色喜觀孝  
子圖聖蹟圖常效夫子設俎豆之儀癸酉冬  
上尊號于 仁元聖母 上具袍靴行禮拜  
跪不待阿姆乙亥春始受紫陽小學 英廟  
語筵臣曰元孫纔四歲氣象殊允兒天將祚  
宋歟已卯春冊三世孫辛巳春齒學謁先聖

請業於博士拈小學題辭問曰明命在吾身指何境界欲求赫然作何工夫博士不能對園橋觀者數萬相賀曰聖人也 英廟聞之喜曰此實天祚吾東也是月行冠禮壬午二月行嘉禮閏五月 莊獻世子薨 上哀毀踰度侍者不忍仰視晝則常處 英廟左右夜則在 暎嬪之側寬慰周至時 惠嬪在昌德宮哀疚凜綴頻有不安節 上聞輒廢寢食每上書承安後方進膳秋七月命世孫為東宮凡賓對講筵命 上侍坐或辨論經

旨或叅聽朝政癸未春台接贊善宋明欽時講孟子明欽仰問孟子宗旨 上曰遏人慾存天理也明欽請問立志 上曰所願則堯舜也明欽退語人曰聰明英睿上智之姿東方之福也乙未 英宗命 上代聽庶政上三上疏辭意懇惻既聽政每事必稟 大朝罔敢自專及 英廟禮陟水漿無所進哭不輟聲禮曹進嗣位節目大臣諸臣庭請屢日啓至則輒哭至成服日始勉從教曰迫於羣情忍將踐位而冕服行禮於予心益覺怵

然此禮見於康王之誥蘇軾譏其非禮載在  
集傳亮陰之制雖不行釋衰從吉其可乎諸  
臣以古禮與國制力請 上泣而從之○下  
綸音曰嗚呼寡人 思悼世子之子也 先  
大王為宗統之重命予嗣 孝章世子嗚呼  
前日上章於 先大王者大可見不貳本之  
予意也禮雖不可不嚴情亦不可不伸饗祀  
之節宜從祭以大夫之禮而不可與太廟同  
惠慶宮亦當有京外貢獻之儀而不可與  
大妃等令所司講定節目以聞恠鬼不逞之

徒藉此而有追崇之論則 先大王遺教在  
焉當以當律論以告 先大王之靈○命減  
宦侍掖屬一百八窠又罷大殿宮人○莊獻  
世子上謚後改題主儀節命勿為磨鍊 上  
曰題主時 先大王親書之今不敢洗改之  
也○命追奪李光佐趙泰億崔錫恒官爵仰  
遵乙亥處分也○追施金尚魯逆律教曰丁  
丑十二月二十五日恭默閣入侍時尚魯敢  
以罔測不道之語仰對前席苟有一分北面  
之心豈忍發此等言於 兩宮之間乎 先

大王譬之馮道壬午復設東宮教予曰尚魯汝之讎也予之勒令致仕白予心於天下後世也前壬午五年之時釀壬午五年後兆即一尚魯而已拜稽聞命銘諸心腑當追施逆律以正君臣之大義追律既有先朝禁令予何可創為姑先追奪官爵大臣率百官請施孥籍之典從之○夏四月鞫李德師趙載翰朴相老等載翰等假托壬午懲討之義至有德師之投疏教曰此誣先王之逆遂皆正法○親鞫時律官有訊畫不如式者教曰

訊畫高下係人命生死惟觀帳殿威怒任意低仰律官定配○故判書李緯孫女以尚魯子婦當坐為婢教曰王法雖不可屈賢人之後亦不可不顧改以定配○教曰凡所以利於國利於民則肌膚何惜此吾先王嘗所以諄諄於寡人也官房田結或有法外加受者或有代盡未收者又或有已準結數而假托未準者不但有害於國用其貽害小民不一而足其令所司查出以奏戶曹進官結還納別單

田六千一百一十四員

○同經筵李宜哲上

疏言禮經有未葬讀喪禮之文 列朝故事  
又有山陵未畢講筵不廢之規批曰已聞卿  
博學欲試卿侍講卿疏所請是矣仍命儒臣  
抄禮記喪禮諸篇進講○教曰昨年至日  
先大王命諸道審理獄囚聽政後未及裁決  
在予仰體之道不可拘於諒闇今下申本令  
秋官稟啓○命掖隸犯科者政院直囚治宮  
房下屬之稱有粉板書啓者京外官察飭○  
五月命頒新造信漢符更申門禁之制○御  
極初輦輿平轎子例設都監新造 上止之

曰 先朝所御予欲御之以寓予羹墻之慕  
○萬寧殿所奉 英廟御真移奉長寧殿遵  
英廟遺意也○都承旨徐浩修奏言息全君  
積出入殿庭跟隨多至數十人朝家立法當  
自貴戚始請積及兵曹堂郎推考 上曰其  
在立紀綱之道不但自宗戚始為渠教戒不  
可推考而止積削職入直堂郎罷職○新建  
齋室扁以陶遂掾遵 先朝恭默閣名扁之  
聖意也○命諸道奴婢推刷勿令內需司差  
送官吏自該道該邑依 先朝乙亥比摠收

捧後又命宣頭案由承政院啓聞著為節目  
頒之八路○濟州監賑御史受命於先朝  
至是竣事還教曰此先大王宵旰憂慮者  
也屢萬島民幸免顛連奉命繡衣萬里無恙  
還朝後御史陞資守宰賞典即先大王遺  
意仍命御史柳炯加資牧使柳懾賜表裏大  
靜旌義兩倅賜弦弓○追配文正公宋時烈  
于孝宗廟庭教曰尊德之心秉彝之所同  
然以先正配享孝宗廟庭必將泯然一辭  
莫或有異論於其間此寡人所以對揚我

列聖謨烈增光我斯文淵源之一助也○六  
月副司直趙明鼎疏略曰事貴有漸戒在快  
心惟聖明益勤諮諏先就見法中從便釐  
正以救目前之急若其大更張大變通姑俟  
聖學之益高從容徐議務歸至當上嘉納  
之○命慈宮誕日朝廷問安於大殿著  
為式○禮曹進景慕宮永祐園享祀節目  
一五享祭則春分夏至秋分冬至臘享俗節  
則正朝寒食端午秋夕日依前舉行朔望祭  
亦為設行一親祭時自五品以下黑團領攝  
服百官四品以上朝服一親祭時以下黑團領攝  
行時祭官亦為祭服一親祭時亞獻官從二品  
一品攝行時初獻官從一品亞獻官從二品



終獻官二品堂上正三品  
 官從二品填差宗臣儀賓中若  
 拘品秩一酌獻禮時散齋三日  
 日俗節及受刑一牢用齊俗節  
 攝行時只為禁香刑一牢用齊  
 香日只用六份親祭時用太牢  
 架舞用十甗三親祭時用太牢  
 籩十豆十甗三親祭時用太牢  
 一肝節及告由毛血祭數則籩  
 望俗節及告由毛血祭數則籩  
 祭親行及親傳香如禮取稟而  
 行一親行及親傳香如禮取稟  
 冠衣龍袍百官拜如禮取稟而  
 省器依文廟例諸享官前一獻  
 肆儀依文廟例諸享官前一獻  
 丙雖親行時依此例各祭祝文  
 秋本曹堂上舉行一各祭祝文  
 撰出樂章文亦令上謚封園都  
 祐園祭享則忌辰及正朝寒食  
 端午秋夕冬

至日亦依前舉行一親祭時自  
 享官百官服淺淡服攝行則忌  
 服俗節及告由祭服黑團領一  
 獻官正一品攝行則從二品填  
 中若齋一求差則勿拘前秩一  
 日致齋一求差則勿拘前秩一  
 行及告由祭則只受香日禁刑  
 物數中柱四坐散子四坐茶食  
 器湯二器祭餅六器數藥果四  
 及告由祭祭餅六器數藥果四  
 菜二器飯一器麪一器實果四  
 醬一器爵三兩告由祭則只爵  
 月教曰引前一日以魂箱朝祖  
 編我先大王以不匱之孝思寓  
 節者也喪事有進無退禮之檀  
 既祖推柩而反之子游譏其失  
 禮况魂箱奉

辭大有掣礙之節其令禮官問議大臣儒臣  
議不一上曰古禮既不可復則毋寧一從  
國朝已行之禮朝祖一節依五禮儀○葬  
英宗大王于元陵上欲隨引行諸臣以古  
未有是禮力争之乃拜辭于興仁門外靈  
駕既遠猶竚立號慟哀音動人百姓莫不泣  
下○教曰我先大王文章寶墨皆教詔小  
子之編尊信敬謹豈尋常懷簡之比宜建一  
閣以寓宋朝虔奉之制光廟肅廟兩朝有  
奎章閣名稱而未有建置予當繼列朝志

事乃建奎章閣于內苑列聖宸章寶翰別  
為奉謨堂奉之以英廟朝御製編次人有  
其事而無其官倣宋龍圖閣學士直學士置  
提學直提學又置直閣待教移設直署於昌  
德宮之都摠府御書摛文之院扁之後又命  
置大提學以文衡圈中人待旨差擬時任提  
學拜相則陞付○諭濟州牧罷民人山陵赴  
役之規○賜洪麟漢鄭厚謙死其罪惡昭布  
大臣三司迭請極律上曰公法不可屈與  
論不可遏有是命○八月真廟追崇時服

色命借吉從大臣禮官議也○景慕宮上謚時服色命弘文館博考又議大臣禮官皆言上謚與追崇有間不必借吉從之○命有司釐正各殿宮貢膳定例頒于八道兩都教曰此雖一事重民隱之意也○命內侍受祿人月終吏曹啓聞以寓周禮天官冢宰無不統攝之義○九月命諸道各官房結稅自本邑直納戶曹自戶曹分送官房罷官差導掌徵稅之行仍命廟堂撰進節目○命除未結案用逆律身已死追施孥籍次律結案加用極

律之法教曰法者天下平也雖以人君之尊不可以一毫私意參錯低昂也惟視其罪之淺深法以之輕重焉是以斷死罪未死而必捧結案既死而必準律文即我朝四百年不易之常典也○命內局所進諸道生餼乾餼并減捧隆冬盛暑全免教曰當其一箇之採浦民之性命係焉豈不思燒羊之意乎○教曰轟轟之聲忽發於收藏之時仁愛之天若是警告一倍懍惕不遑寧處非不欲加意於本原而涵養之功未至非不欲勵精於機務

而蒲盧之效莫見靜言思惟咎實在予弭災之道亦在予方寸之間曷敢不反躬省愆仰答天譴自今日減膳三日咨爾三司近密之臣體此恐懼之意袞闕時政條陳無隱○冬十一月教曰傳教不書大臣名字自內所下文書不書大臣之名亦有列聖朝受教今日正使賜物名字任自書之雖小事漸不可長中官削版○教曰聽言為人君之最急務進言為廷臣之所先勉夫何近日寥寥無聞豈以寡人無一愆尤元無箴警者而然乎又

或以寡人惡聞其過而然乎非時之雨失節之霧亦豈非所台畏懼之心君臣上下宜不敢少忽不言三司並罷職以示予求助之意○命權減京貢麥十斤蠲江界麥戶之戶役○命南兵使以曾經兵使人擬望以關防重地也○命東北流民留者給米去者給回糧○十二月命加給浦項倉租一萬斛于北關

補賑資

**丁酉**元年春正月諭八道兩都飭勸農之政教曰今年歲首即予元年元朝凡恤民之政安

民之道宜體我 列祖子惠之德而莫切於民產最關於邦本者惟農事是已○正言鄭志儉上疏略曰 殿下嗣服以來文武恬嬉朝象泮渙銓選之地公道不張言議之場勁舌無聞苟求其本 殿下之求治雖勤而立志未固也 上優納之○教曰陳之於先大王者即臣子之分義而陳之於予者非但不忍提不忍說斷之曰逆也又非但曰為予之逆也為 先大王之逆為 景慕宮之逆也今日見尹塾副擬特為點下者即是 先

大王親製文致祭於韓光肇而予則嚴訊於韓光肇之意也亦是予上章於 先朝而先大王傳教又以後或敢提者為逆為教之意也斯豈非明義理正是非之一大關鍵乎銓曹既已檢擬可見朝廷之心如予之心兵曹佐郎尹塾副校理除授○命雲寶劔及擔筒箇雖大王國恤時勿布裏遵 先朝戊寅受教也○教曰今以齋日欲行召對則職在經幄移時而始乃詣閤暝色已出句讀莫辨殊非勤講之本意入侍玉堂重推○夏四月

以旱災命停昌慶宮修理之役玉堂趙時偉言之也○進講史記評林侍讀官朴在源曰凡欲字為害最大耳目口鼻之欲為害尤大所以防制之者非禮莫可禮記所云壹獻百拜者政為防酒之禍於此可見以禮為節制耳目口鼻之欲也人君其地處皆足以供之必也一刀割斷勿令萌動於心然後可無此憂 上嘉納之○五月旱減膳責躬教曰嗚呼寡人有罪災在寡躬蠢彼蒼生于何有辜一心為出治之源而存養未篤七情最難

制者怒而省察未至言路枳塞而含默成習需費匱乏而儲蓄無餘誠禮有欠而山林無備然之望事勢不已而土木涉興作之嫌紀綱之漸解而人不知法節屋之呼庚而政未制產凡此數者苟有一焉足可以召災而致異况有此數者乎玉堂聯劄陳戒 上曰職在啓沃應旨言事以副予悶旱求助之意予甚嘉尚各賜帙弓一張○教曰亢旱渴悶代犧躬禱不容少緩仍詣社壇禱雨親行疏決上覽祈雨祭文教曰冊祝無罪已之意可乎

其令改撰○政院以減膳時停視事稟上  
曰昔宣廟避正殿以丕顯閣之狹窄不得  
開法筵先正栗谷李珥言講奠可減法筵不  
可停况減膳與避殿有間乎修省之時益宜  
勤勵此後減膳避殿時講筵依例稟旨○命  
旌端宗朝死節臣河緯地間從領議政金  
尚喆言也○初肅宗以京外殺獄不得掘  
檢有數十年不決瘦死獄中者命開檢一從  
無冤錄英宗又教以周文猶掩骼白骨檢  
驗無異再被殺凡匿埋者檢驗已瘞者勿檢

有司錯認以掘檢之禁京外不敢開檢廷臣  
屢以為言上取覽兩朝受教教曰先  
朝下教中已瘞勿檢者非禁掘也即指白骨  
檢驗也匿埋檢驗即肅祖受教不當新定  
令甲只依兩朝受教遵而行之或有年數  
已久者毋得輕自開檢啓聞後施行○上以  
禁旅不可不重其選擇其材命內禁衛兼司  
僕中一番定為宣薦窠以作初仕之階○北  
關賑政告訖命監賑御史申應顯慶源府使  
李東燁並加秩以盡心調政也○命蕩減北

國朝寶鑑卷之六十九  
十四  
關漂穀及十邑田稅奴貢○大司憲鄭昌順  
上疏一曰變風習以靖朝象二曰節財用以  
蘇民生三曰立聖志以振紀綱四曰重臺  
選以開言路五曰惜官方以重名器六曰作  
士氣以養人材上嘉之特賜鹿皮○秋九  
月關東被水災以副司果沈豐之差慰諭御  
史往宣諭書仍察民情○晉州等數十邑大  
水漂頽及滄死甚多上覽道啓驚甚飭道  
臣條陳凋救之策又以安邊等邑水災命被  
灾者停其糶布死者蕩之○冬十月教曰周

爰之行特命搜訪士庶之年百歲以上者出  
於尊高年之意也關西御史所登聞者為數  
人甚是稀貴加資仍令本道優給食物衣資  
○十一月大司憲李徽之上疏略曰人君之  
治國如大匠之畫宮先築基址然後柱石可  
安堂宇可成君心譬則基址也規撫譬則柱  
石也政令譬則堂宇也臣竊以為殿下願  
治之志未得要道綱紀不舉德化未究向者  
科制之特詢變通願堂之初命革罷甚盛舉  
也而且中止未免仍舊臣實惜之仍陳節用



儲蓄之道 上優納之○教秋曹曰大逆不道及罪犯綱常之類大臣莅鞫三司按獄猶有詳覆之意至於不待時之囚一律官構案上獄官獄官署惟謹何慎於待時之囚而忽於不待時之囚也今後自卿曹議讞報議政府議政府詳覆登聞○禁巫女出入城闈○申明太學月講之式

**戊戌**二年春正月左議政鄭存謙請申嶺隘定界養木之法從之○欽恤典則成先是教曰宋藝祖詔獄吏五日一檢視灑掃獄戶洗滌

桎械貧者給食病者給藥小罪即時決遣有宋屢百年基業之懸遠未必不基於斯咨爾有司之臣其宜惕念遣承旨往法府法曹審視笞杖枷杻之不如式者仍教曰杖有大小枷有厚薄隨其罪之輕重者也近來古法漸弛勿論罪之輕重京司與外方皆用大杖厚枷暴官虐吏不無枉害人命之弊此豈古先王欽恤之意哉至於軍門之棍杖其制極其厚大用棍之際易致傷害不可不釐正其較正京外刑具及各營門棍制至是定制頒行

節	目	答	杖	用	大	明	律	答	長	三	尺	五	寸	大	頭	徑	之
二	分	七	釐	小	頭	徑	一	分	七	釐	三	尺	五	寸	大	頭	徑
須	削	去	節	目	用	官	降	者	用	較	板	如	法	較	勘	母	令
膠	諸	物	裝	釘	應	決	者	用	小	頭	徑	二	分	二	釐	小	頭
五	寸	大	頭	徑	三	分	二	釐	小	頭	徑	二	分	二	釐	小	頭
大	荆	條	為	之	亦	須	削	去	節	目	用	官	降	者	用	較	板
法	較	勘	母	令	筋	膠	諸	物	裝	釘	應	決	者	用	較	板	如
警	受	較	勘	母	令	筋	膠	諸	物	裝	釘	應	決	者	用	較	板
三	寸	則	圓	徑	七	分	二	釐	小	頭	徑	二	分	二	釐	小	頭
以	下	端	打	膝	下	不	至	二	尺	朋	一	則	廣	八	分	三	寸
用	營	造	尺	長	則	依	大	明	律	杖	以	三	尺	五	寸	厚	四
上	加	二	寸	續	大	典	推	鞫	訊	杖	以	廣	九	分	五	寸	厚
三	省	為	訊	杖	而	長	則	依	大	明	律	杖	以	廣	九	分	五
以	此	省	為	訊	杖	而	長	則	依	大	明	律	杖	以	廣	九	分
五	尺	三	寸	五	寸	頭	濶	外	方	則	依	大	明	律	杖	以	廣
重	二	尺	五	寸	頭	濶	外	方	則	依	大	明	律	杖	以	廣	九
長	短	輕	重	刻	誌	其	上	重	二	寸	十	斤	杖	罪	重	十	五
無	加	制	今	若	誌	其	上	重	二	寸	十	斤	杖	罪	重	十	五
旨	酌	量	輕	重	別	為	定	明	律	施	行	則	大	有	掣	碍	稟

頭	八	斤	濶	一	尺	二	寸	死	罪	重	二	斤	乾	木	二	寸	為	之	斤	徒	重	十	斤	刻	誌
八	斤	濶	一	尺	二	寸	死	罪	重	二	斤	乾	木	二	寸	為	之	斤	徒	重	十	斤	刻	誌	
其	上	之	男	子	犯	明	律	長	一	尺	六	寸	厚	一	寸	以	下	及	乾	木	二	寸	為	之	斤
木	為	之	男	子	犯	明	律	長	一	尺	六	寸	厚	一	寸	以	下	及	乾	木	二	寸	為	之	斤
婦	人	犯	死	罪	者	律	長	一	尺	六	寸	厚	一	寸	以	下	及	乾	木	二	寸	為	之	斤	
○	鐵	索	大	明	律	長	一	尺	六	寸	厚	一	寸	以	下	及	乾	木	二	寸	為	之	斤	刻	誌
用	之	罪	者	帶	大	明	律	長	一	尺	六	寸	厚	一	寸	以	下	及	乾	木	二	寸	為	之	斤
犯	徒	有	項	鎖	足	錄	之	文	而	不	言	尺	數	制	樣	依	國	之	鐵	索	長	四	尺	鎖	依
大	典	行	用	制	度	錄	之	文	而	不	言	尺	數	制	樣	依	國	之	鐵	索	長	四	尺	鎖	依
法	司	行	用	制	度	錄	之	文	而	不	言	尺	數	制	樣	依	國	之	鐵	索	長	四	尺	鎖	依
足	鐵	索	長	五	尺	○	囚	禁	經	國	大	典	死	罪	囚	枷	罪	項	罪	項	罪	項	罪	項	罪
罪	枷	議	流	罪	以	下	○	囚	禁	經	國	大	典	死	罪	囚	枷	罪	項	罪	項	罪	項	罪	
鎖	項	堂	親	功	罪	以	下	○	囚	禁	經	國	大	典	死	罪	囚	枷	罪	項	罪	項	罪	項	
關	係	宗	社	官	庶	人	及	婦	女	上	官	士	族	杖	罪	則	限	厚	○	項	罪	項	罪	項	
棍	新	定	節	目	重	棍	長	五	尺	特	教	亦	廣	五	寸	脊	厚	○	項	罪	項	罪	項	罪	
八	分	以	柳	木	為	之	長	五	尺	特	教	亦	廣	五	寸	脊	厚	○	項	罪	項	罪	項	罪	
者	分	柳	木	為	之	長	五	尺	特	教	亦	廣	五	寸	脊	厚	○	項	罪	項	罪	項	罪	項	
上	曹	判	分	受	重	棍	長	五	尺	特	教	亦	廣	五	寸	脊	厚	○	項	罪	項	罪	項	罪	
使	水	用	之	而	非	死	罪	勿	留	守	○	監	行	司	統	大	棍	長	兵	使	兵	使	兵	使	

五尺六寸廣四寸四分脊厚六分以柳木為  
 之治犯罪者刻誌如重棍軍門都提調兵曹  
 判書軍門大將中軍禁軍別將捕盜廳留守  
 監司統制使兵使水使中棍長五尺四寸廣  
 二品以上用之○行用中棍都府軍門從  
 四寸一分脊厚五分內兵曹都總府軍門  
 事官將軍別將千總禁軍將左右巡廳營將  
 兼營將虞候中軍邊地守令邊將四巡山  
 及軍務使星三品以下用之○軍門把總小  
 五尺一寸廣四寸脊厚四分○盜棍長五尺  
 僉使別將萬戶權管用之○治盜棍長五尺  
 七寸廣五寸三分脊厚一寸○治盜棍長五尺  
 關係邊政及松政者亦用之○捕盜廳留守  
 司統制使兵使水使討捕使兼討捕使邊地  
 守令邊將治盜及治關係邊政越政又教曰  
 者用之京外以此為準毋取違越政又教曰

唐宋皆五日一錄囚我朝之十日一錄殊非  
 古制十日之間雖有幽冤何以自達乎此後

五日一錄以為式○二月封 靖嬪墓為綏  
 吉園廟為延祐宮祭禮遵儲慶宮例先是有  
 靖嬪暎嬪封園之議廷議以為宮園之禮有  
 先大王定制但止於大王私親今 靖嬪封  
 園固是應行之典 暎嬪封園與定制不相  
 應遂依其議○副校理南鶴聞上疏略曰  
 殿下天姿卓越而或不無過高之病 聖學  
 貫透而間多有太察之失繼自今凡發號出  
 令必須慎思詳度無致事過而悔生焉近來  
 營建繕修工役浩繁亦豈無不急之構無名

國朝寶鏡卷之二十九  
之築乎宜一切革罷以光崇儉之德 上優  
納之○命故相臣金昌集配享 英宗廟庭  
教曰決策之大義殉身之危忠實合於 先  
大王廟庭之配食所以疑難者特以未及逮  
事也此則有故重臣閔鎮厚近例令賓廳會  
議○三月命禮曹釐正儲慶宮順康園延祐  
宮綏吉園享祀儀節宮則四仲朔祭三獻告  
祭單獻園則忌辰及四名日皆單獻○夏四  
月命以兵曹判書為鹵簿使○追上 貞聖  
王后徽號曰端穆章和○尚衣提調洪樂性

啓請 惠慶宮服色令弘文館博考就議大  
臣領議政金尚喆等議 惠慶宮儀仗凡節  
皆用黑色其於禮服似無異同教曰 惠慶  
宮所御翟衣服色係是無例紫有貳尊之嫌  
黑無異制之意若紅若藍各有用處惟深青  
一色最近之以此為定○五月時祥禫已訖  
上見殿庭陳軒縣教曰鳴玉被衿不敢或廢  
鍾鼓管籥豈忍遽聞禮曰祥而縞是月禫徙  
月樂孟獻子禫縣而不樂夫子許之說者或  
以為徙月者指過祥月之謂也文公家禮之

國朝實錄卷之六十九  
書既成王肅之論絀後之看解禮經者當從  
鄭說而禮之是月禫云者猶言是日哭也則  
徙月樂亦當作徙禫月看也遂終是月陳而  
不作○命朝參每朔稟旨筵臣援古例陳請  
也○上王大妃尊號曰莊僖惠慶宮尊  
號曰孝康先是教曰嗣位而上號於東朝  
俟祔廟彙進冊寶禮也惟予寡昧續承大位  
奉慈殿為王大妃有司議尊號如古禮然  
獨於慈宮不得上一字之稱以情以禮得  
無不安而缺然者乎嗚呼予之秉執之大義

臣僚之所已領會禮或近於貳尊事或涉於  
壓尊而拂義任私強欲崇奉則所謂崇奉非  
吾所謂崇奉也不以不當崇奉之禮崇奉者  
乃吾所謂崇奉也嗚呼宮園儀之泣血撰次  
良以此也茲事既無貳尊之嫌又叶揚名之  
義舉縟典而進美號烏可緩哉慈殿上號  
時慈宮進號當否詢之大臣爰及九卿三  
司僉議偕同亦可見不悖於義理也可令儀  
曹舉行○命纂明義錄印頒中外○教曰濟  
州即滄海之外近因歉歲居多民生頗頷每

一念之若恫在已寧損御供豈勞吾民年例  
進貢灰全窺特令永減此蓋先王遺意也  
○六月御仁政門行朝參教曰寡人承列  
祖丕緒夙夜寅畏如履淵冰者三年于茲我  
英宗大王祔制已訖儀文即吉迺以袞冕鍾  
鼓祗謁太廟受羣臣朝賀斯禮也先王之  
禮也惟予小子踐先王之位莅先王之  
民敢不以先王之心為心先王之政為  
政克追我先王之志事曰民產也曰人材  
也曰戎政也曰財用也講究先王之大道

修復先王之舊章毋負我先王付畀之  
責者深有望於共理庶明之人咨爾在庭羣  
僚憂國如家啓迪予寡人東西班及侍衛軍  
士如有所懷皆令進奏○教樂院曰聲音之  
關於治道大矣樂之教不在於音律之末而  
後世禮崩樂壞既失其本又不治其末以至  
聲音節奏噍殺淫哇如是而安能詠歎淫液  
有遲之又久之美耶今若變促為緩更急以  
舒則可免衰世之音凡我掌樂之官肄其嘽  
緩之節祛其恣濫之操毋近姦聲以復和音

國朝實錄卷之六十九  
○王大妃下諺教于大臣命揀選士族置諸  
嬪御以廣儲嗣獻納朴在源疏曰今茲揀擇  
之命質之古禮而無疑考諸 聖朝而有據  
又况 慈教之下在廷諸臣固將奉承之不  
暇第伏惟念我 殿下制訖諒闇禮當復寢  
八域延頸之忱政屬我 坤殿篤生之慶遽  
伏承 王度愆和則百難期臣民之驚憂失  
望當如何哉臣未知 坤殿患候以何樣證  
崇有妨誕育而詳其源委審厥證恙廣延良  
醫博施珍劑豈無可療之方乎伏願 殿下

每於聽朝之暇時時躬診詳詢出而晉接藥  
院諸臣使之殫竭誠技汲汲調治決不容一  
日少緩也答曰爾之所陳予豈不念及於此  
而非醫藥所治之證也既有 慈教官闡之  
事非爾所知時洪國榮之妹膺嬪選國榮怒  
其疏語公坐叱罵必欲中傷 上深察其忠  
在源終免於罪後特贈副學以旌之○閏月  
命罷放未放罪人自備局回啓之式○秋九  
月大閱武于露梁○禁緇徒毋得入都城○  
教曰節用先自宮闈始雖大官首人之供無

用則尚節省况宮闈乎宮人供億初元先為  
釐正大殿無宮人名目而累朝流來宮人之  
屬於 慈殿者尚未蘇革當此歲歉民窮之  
時宜有節省之道癸丑移屬宮人供億永為  
省罷以補經用○冬十月教曰凡享于廟祭  
于社先期戒且誓之示衆以易行之道蓋不  
如是反致違令也就誓令文中不飲酒句從  
禮文釐正以不縱酒○命城門仍留時以宣  
傳標信舉行令兵曹著為式○十二月時冬  
暖無冰鑿冰遠道 上曰時候乖和由予否

德因是困民大非修省之本意命各殿進上  
減其半其餘皆量減



國朝寶鑑卷之六十九

國朝寶鑑卷之七十

正宗朝二

**己亥**三年春正月教曰初入臺地一日陳十七啓語皆慷慨切實君德時政無不及之予甚嘉之其在獎直來諫之道合有褒賞之典正言柳孟養特賜鹿皮○命禮官致祭于文忠公鄭夢周○二月遣承旨致祭于檀君廟箕子廟○三月命內閣諸臣編校英宗大王御製附刊于列聖御製○夏四月教曰子豈不云既灌以後不欲觀乎讀祝將事之際

凡在駿奔之列者不無跛倚欠伸之歎宗廟親享祭文以六句永寧殿攝享祭文以四句製入○命親鞫及庭鞫時如遇雨或甚熱設草芼造家俾得緩喘下氣輸其辭盡其情仍著為式○五月 上每值永祐園忌辰輒旬日齋居至是命是月自十三日至二十一日勿稟視事○秋七月幸寧陵以 聖祖陟方之舊甲也至廣津御龍舟語諸臣曰君猶舟也民猶水也予今御舟臨民益切兢惕昔聖祖作舟水圖命詞臣撰銘此意也次南漢

遣禮官致祭于溫祚王廟顯節祠又賜祭于險川北門雙嶺等戰亡諸處○八月還次利川下綸音諭廣州利川驪州父老駕過公路賜租一年召見副司直金亮行教曰卿以山林宿德負山斗之望今於謁陵之行路過式間之地何幸不我遐棄幡然登對企待之餘實不勝傾倒也設科于南漢試所經諸邑儒生賜第○因京畿儒生疏請賜額文正公宋時烈祠之在驪州者曰大老豎碑于庭御製御筆也後 上語筵臣曰清心樓上見先正

之詩有云坐以月沉陵栢暗不知何處跪  
辭可想先正之心不覺愴感大老二字古有  
天下大老之文年前搜輯先正文集中逸句  
題其篇曰大老遺稿蓋取諸此也○冬十月  
教曰後世阿諛成俗凡屬灾異守土之臣未  
嘗聞于朝心常慨歎沁留狀啓以雷電之異  
謂以非時有此登聞殊甚嘉尚政院以此意  
申飭諸道事係灾異必勿忌諱○十一月御  
宣政殿行三覆○命罷湖西六邑水運判官  
領漕之規以左道守令定差負監捧領運從

戶曹判書金華鎮言也

**庚子**四年春正月建月觀門於內苑之東為簡  
輿衛無時展省於景慕宮也○御經筵講論  
語至益者三友 上曰人君以友道寄於臣  
隣蓋治國與治身本無二致直諫多聞之為  
益善柔便佞之為損友道固然臣為甚焉以  
友道而視今日則損乎益乎昨日發策於儒  
生思聞直諫之論而無一人語到袞闕臺閣  
惟以含默為事并與官師相規而廢之此非  
近善柔便佞者乎○二月命新羅敬順王東

泉廟豎碑副司直金孝大疏請也○命玉堂  
持東國通鑑入侍 上曰萬幾酬接之暇夜  
氣清明之際使儒臣讀史記而靜聽時君得  
失時政治否千載之下可以追想此亦不為  
無助○夏四月教曰濟州子弟之漂泊異洋  
生還奇矣進貢物種之遺失何可論也拘囚  
者即令解送滄死者令本牧給恤典又教曰  
諸道皆有燒滄登聞題給恤典之例濟州則  
絕未見也豈止轉輶道臣而然乎此後恤典  
依他道例海外之地難待該曹覆啓先舉行

後狀聞○五月慶尚監司趙時俊狀請改豎  
首露王陵碑 上從之仍命致祭教曰昔在  
先朝命守土臣就首露王陵四方百步立石  
為標改築陵塋每歲春秋會府中父老設祭  
聖意可以仰認也立標設祭一依受教○秋  
官言獄中癘疫熾盛命重囚皆保放飭兩醫  
司救療教曰雖死囚徑斃非王政也○秋七  
月 上以王府訊囚時罪人直招後刑杖準  
次有乖審克之義命自今未準次直招者停  
刑以聞著為式○冬十月有雷異教曰旬月

國朝寶鑑卷之三十一  
四  
中天三示警異災沴之來豈非寡人所召惟  
予寡人遇災之日既未克側身修行消異為  
祥無災之時又未克懋敬厥德底豫天意使  
朝象國事日趨委靡頹惰之域於虞紀綱之  
不立時予之辜也庶恥之不張時予之辜也  
言路之不闢時予之辜也經用之不繼時予  
之辜也民產之不敷時予之辜也人才之不  
興時予之辜也侈俗之不變時予之辜也貪  
風之不熄時予之辜也幽鬱之不伸時予之  
辜也是非之不公時予之辜也憂虞之形岌

業之勢千百其緒危在呼吸予寡人不曾矯  
而正之上天安得不愍然垂惻降此頻複之  
警邪咨爾羣工咸陳所蘊○十一月定抄啓  
文臣講製之規 上以文臣專經之講月課  
之製作撤無常殊非勸課作成之道命政府  
抄啓槐院叅上叅外三十七歲以下人令內  
閣著講製規式行之月講經史旬試程文考  
優劣行賞罰時常訓誨至誠不倦自辛丑選  
以後凡十選後之公卿大夫大半是選中人  
而彬彬多文學之士矣

**辛丑**

五年春正月詣元陵行酌獻禮 英宗承

儲舊甲也追念故相臣金昌集李順命趙泰  
采李健命協力翊戴之忠遣承旨致祭于四  
忠祠○歷臨東關王廟仍遣將臣行祭于東  
南兩廟又命三局大將依燕堂上例凡事管  
檢○三月幸摛文院召內閣諸臣講近思錄  
上曰近思錄即學問要旨而太極圖說為開  
卷第一義先讀此章沈念祖讀奏陳文義  
上曰一堂詢諮豈直為談書說經而止哉上  
自寡躬闕遺時政得失以及乎生民之苦樂

前辟之治亂無事不言俾有所上下相益蓋  
講說即因言而起疑因疑而釋疑終至於感  
發人善心者也是以朱子與象山義理不同  
門路各異而白鹿之講門人聽講者往往有  
泣下者言之感人也如是矣諸臣皆起拜受  
命仍幸弘文館與經筵諸臣講心經還內已  
舉燭矣○夏四月遣承旨致祭于文元公李  
彥迪玉山書院文純公李滉陶山書院仍命  
圖上基址○閏五月詣先農壇行觀刈禮仍  
行勞酒禮申諭八道兩都曰帝王之躬耕藉

田所以供粢盛為萬民先也第耕而不獲于禮有缺肆我先王義起而初為觀刈焉于夏于秋前後凡三臨粵在己丑寶齡已躋七耄猶未之倦豈非予小子繼述之一事也歟時維仲夏之殷藉田麥告熟遣大臣先祀于先農星言夙駕仍舉觀刈之儀予寡人御極以來一念民天不敢遑息上辛祈穀元朝勸農予惟曰繼述是日觀刈予亦惟曰繼述予不敢知今年八路之麥亦如此麥之穰穰穰否歟大凡人情豐亨則弛或者但見污

邪之多稔不思嗣歲之蓋藏身惰手遊不啓作勞有田而莫之墾有莠而莫之耘天雖欲錫以大有土自闢而禾自長乎民之質矣日用不知興起勸課在於長吏或勤或慢予其有賞有罰○大雨滂于四門飭京兆曰有國之憂在於水旱盜賊不可不聞于上而上之人恒存戒懼不敢作侈泰之念善乎李文靖之說予嘗深味之也近來忌諱成俗有司未嘗登聞寧不慨然凡人物之傷損家舍之漂燒各自該部報于京兆輒以別單啓聞都民

國朝實錄卷之十一  
休戚所係尤重或有愁困之歎而予莫聞知是豈作元后之意也○御定八子百選成上憂文體日下手選唐宋八家文印行○六月頒綸音于濟州三邑詢民瘼遣應教朴天衡為御史仍令設科試取教曰六苦役之革罷輪回各山場之創始橫築驅點軍之永除前規牛馬監之新定勸賞亦有比前斟酌之益否事無巨細咸須登聞○秋七月台見下直閩帥守令教曰今年穡事告歉惟爾守令體予軫恤之意糴政毋或犯分刑具亦勿違

式今此諸守令姓名當付壁上以觀其治績勤慢○親撰祭文遣承旨致祭于文成公李珥紹賢書院教曰予自幼篤慕文成之學曠世之感誠不淺淺○嶺伯以憫旱啓啓中有狂風大吹之語 上曰昔在先朝一筵臣有惡風之語尚加譴責可以仰敬天之 聖意也仍命嶺伯推考原啓使之改修○八月詣明陵行酌獻禮次黔巖碑閣碑文 上所親製紀績也教曰 先大王仁民愛物之德其至矣乎今予所以勒石詔後者不但為掄



揚 聖德之萬一欲使後之子孫鑑法于是也○贈大司諫趙聖復加贈正卿賜謚從領相徐命善言也○遣承旨致祭于慶恩府院君金柱臣教曰毋臨五紀使宗社有泰山磐石之安莫非 聖后所賜而 聖后私親之悉心王室密贊陰功使外人莫得以窺其際又是前古戚畹所未聞之事也○九月摸寫御真召大臣閣臣仰瞻教曰此蓋遵 先朝間十年寫真之規也命奉于奎章閣之宙合樓○嶺南大水以前監司趙時俊為慰諭使

賚綸音往撫之教曰民之溺者四百有餘人屋廬之漂且頽者且以萬計予聞此報惻然傷念已飭守土之臣恤其死而撫其生朝家常典之外亦有以經紀措置俾無蕩析殿屎之患○以副司果徐龍輔為八江宣諭御史仍令詢瘼以聞○冬十一月教曰宗臣家婚需題給自有舊典近作度支之虛簿其飭有司復舊舉行內而度支外而諸道每歲首搜訪宗裔之婚則踰年葬不及時者劃即顧助與歲饌文書同時修上歲以為常○內醫院

國朝實錄卷之二十一  
以江原道貢蔘品劣請退却罷該道臣從之  
旋命勿罷勿退其蔘教曰每念東民恫若在  
已今若改色封進勢將再徵民間誠有所不  
忍○遣兩西道臣致祭于平壤崇靈殿文化  
三聖祠教曰先朝時因三聖祠事令道臣  
致祭此亦追述之一事也又釐正三聖祠祭  
品祭式悉復舊制○十二月詣永禧殿行臘  
享以英廟御製詩書下曰此先大王戊  
辰幸此殿時御製也詩曰重禮順成邦慶新  
幸深日吉又良辰此時小子中心喜他歲冕

衣侍榻親上敬次其韻并小序曰昔在我  
寧考乙酉寒食日享于南殿小子陪祭行亞  
獻今於十有七年之後躬薦臘享前夕齋居  
不任感慕之誠恭和壁上御製詩韻時小子  
踐阼之五載辛丑也詩曰十年前事恍如新  
南殿伸誠又此辰小子敢言能繼述先王  
八莖享猶親仍令隨駕諸臣賡進○命閣臣  
修日省錄上自春邸凡一日事為輒有記  
識至是以起居注之多錯漏命別為編錄取  
曾子曰三省之義也春邸日記中每日書課

讀兼讀幾遍 上指示閣臣曰自予冲年  
先大王逐日勸課每講一書畢繼讀他書則  
使之溫繹已講之書課講與兼讀皆有遍數  
自為程式雖多事時未或廢却矣

**壬寅**

六年春三月詣文廟行酌獻禮前一日齋

宿于明倫堂設食堂于庭前即國朝初有之  
盛禮也○夏五月親禱雨于雩祀壇 上在  
大次不設油幕屏扇蓋召參班大臣以下百  
官求直言教曰諸道之旱畿甸最甚畿甸之  
中城闈尤酷地之近遠灾有深淺者尤以昭

予之不德抑寡人之宮室侈歟服用華歟貨  
利不能不殖歟聲色不能不邇歟綺靡翫好  
之物不能不喪志歟此雖予所嘗存戒者亦  
安保其必無也哉廟堂之上未聞有彌綸之  
策予之所恃而為股肱者如是矣臺閣之臣  
事關袞闕為若可諱言涉官師或恐有忤予  
之所恃而為耳目者又如是矣予方悸恐不  
寧減常膳撤法樂齋宿出郊躬行代犧之舉  
以邀惠于神祇敷此十行之教以求一言之  
助還御惠政橋召見大臣金吾秋曹堂上䟽

國朝寶鑑卷之十一  
決時曰既還宮猶臨軒不脫袞服以待已而  
果雨○六月以旱災命蠲免畿甸海西三南  
及諸道被災邑常稅○初各道燒滄覽死者  
其數雖過百若不滿一邑三人則不施恤典  
上曰此非所以恤民也命勿拘一邑三人之  
例至是命失火十戶以上燒滄覽死五六名  
以上自政院籤黃以入原典外加施之○飭  
兩銓收用西北人教曰王者奉三無私以為  
治環東土數千餘里無遠無邇皆予臣子也  
西之為箕聖故都北之為龍興舊基風俗人

物何遽遜於他道逮夫近世駸駸然擯斥不  
用乃至於舉自暴棄此誠朝廷之過也○冬  
十一月國朝寶鑑成初世祖命大提學申  
叔舟撰太祖太宗世宗文宗四朝寶鑑其  
後只有肅廟朝李端夏所編宣廟寶鑑  
英廟朝李德壽所編肅廟寶鑑辛丑秋  
英宗實錄告訖上語大臣閣臣曰先大  
王五十年盛德大業史不勝書實錄則石室  
金櫃其藏甚秘惟寶鑑與秘史稍異專主乎  
記述德美予今欲編成寶鑑諸臣同辭仰贊

國朝寶鑑卷之十一  
上曰 十二朝尚未有寶鑑並宜編輯仍命  
詞臣分掌纂輯原任文衡李福源徐命膺校  
正至是書成凡六十有八卷諸臣具箋以進  
上御暎花堂親受教曰 列朝玉冊金寶倣  
周廟之陳寶器宋殿之藏玉牒必皆奉安于  
入廟之時寶鑑所以揄揚功德垂裕來嗣實  
與西序大訓同雖琬琰之表徽璽章之昭度  
猶不足以喻其重乃倣上冊寶儀節親上于  
宗廟永寧殿分藏各室○尊 英宗大王為  
世室諭宗親文武百官曰我 寧考英宗大

王姿實天縱學維日新行貫神明心傳精一  
險阻艱難之備嘗謳歌訟獄之有歸嚴恭寅  
畏不遑暇逸厥享國五十有二年盛德大業  
非紀述之可殫謹就其一二大者言之篤行  
也典學也敬天也勤民也明義也敦禮也恤  
刑也昭儉也講武也導俗也於是乎紹洪休  
於壽閣躋生靈於春臺煥乎禮樂之昭朗藹  
然耕鑿之熙皞若其獨運宏圖丕彰裕謨益  
措盤石之固永垂琮璜之托社稷長遠終必  
賴之此非予小子溢美之言實國人之所共

誦也不祧之禮考之歷代亦多預定須各獻  
議俾大禮無憾○十二月命壬寅寃死人沈  
摺柳就章贈職李尚龔白時者金時泰並施  
易名之典韋布受禍人洪哲人義人一體馳  
贈從右議政金煜所奏也○親撰祭文遣閣  
臣致祭于西原華陽書院海州石潭書院教  
曰湖西海西皆是先正俎豆之鄉也杖屨之  
所也不幸近日承訛襲訛因疑傳疑未見有  
衛正闢邪之效職由予忝位君師教未下孚  
之致豈道内一二人士之罪也予方反省歉  
歎倘使先正在世世道胡至於此此時曠世  
之感尤不容已

國朝寶鑑卷之七十

國朝寶鑑卷之七十一

正宗朝三

**癸卯**七年春正月命耆老大臣閣臣及宗臣家  
加送歲饌○飭選曹甄拔問學之士各道方  
伯薦進經明行修者教曰崇儒重道即我朝  
家法 列聖相承罔不以此為先務予雖否  
德亦知儒術之污隆實關國家之盛衰思得  
賢者而共理近來在旌招之列者絕罕豈曰  
無其人哉十室之邑必有忠信振作士氣培  
養人才之方廟堂三司講究以聞○教曰近

來公卿百執事噤默成習今寶鑑親上繼述之道無過於諮詢明日臨門大臣三司至于庶僚必陳嘉謨○召見社稷署令尹光裕命纂本署儀軌○領議政徐命善啓言先正趙憲祠版不祧而子孫無可繼令定其後嗣實合旌賢之政從之○行台對講國朝寶鑑檢討官嚴思晚曰 世宗大王以臨事而懼果斷事機二者垂教願 聖上加勉焉 上曰智仁勇三者不可偏廢惟智與仁必自勇字上做去○教曰孝烈旌復雖似應行之典其

為聳勸關係不少更令加抄意有在耳此後每式年正月初旬前抄啓○直提學鄭志儉上劄請時原任閣臣登筵時謹識 聖語之及於義理經史治法政謨者各自記載做貞觀政要朱子語類之例歲之本閣歲以為常上許之自是歲至庚申裒輯成書編入御製中名曰日得錄即宋孝宗朝日得聖語之義也 上嘗飭閣臣曰日得錄不但遠倣有宋故事予欲以此為觀省之資今若務從溢美後之觀此錄者謂今時當如何○二月教曰



國朝實錄卷之二十一  
月城都尉之喪和順貴主絕水穀十許日而  
卒先大王臨第慰勸終不能強焉誠以從  
命之孝小殉身之義大也噫其烈哉從古帝  
王家所無而獨我家有之豈不有光於家範  
之懿乎令有司旌其門曰烈女○教曰嶺南  
山川風氣之美最於八路重以二三先正倡  
道興學名賢之輩出俗尚之敦厚良有以也  
故參議李象靖是一道雅望另欲試用今焉  
已矣其弟光靖固窮讀書頗有乃兄之風云  
銓曹待窠調用又聞前主簿崔興遠捐財濟

窮家有先公後私之庫隣里不知有常賦又  
以鄉約勸誨云亦令陞職此等人必欲見之  
申飭上來○飭藥院曰古則醫官勿論本廳  
議藥廳術業無不精明近來醫官寄命於口  
耳之學諸凡命藥漫不知向方事之踈虞孰  
甚於是此事不可無變通都提調提調依此  
知悉毋若如前苟艱○三月教曰小子銜恤  
茹痛于今幾閱星霜惟予報本揚先之誠無  
地可展誠以典禮至重有非予一人所敢輕  
易臆斷今譜牒編役幾訖更又抑情含忍恐

國朝實錄卷之七十一  
三十一  
為不瞑之恨仍詢于大臣諸宰加上 王大  
妃尊號曰惠徽追上 莊獻世子尊號曰綏  
德敦慶加上 惠慶宮尊號曰慈禧○夏四  
月教曰誕舉縟儀情禮少伸八域赤子亦知  
國有慶禮引領而望曰惠其及我今若諉之  
以實惠屬耳他泄而已則果無抑菀乎仍命  
蕩減貢人舊遺在三千斛嶺南湖南湖西京  
畿統營舊糴六萬二千餘斛兩西東北四道  
舊糴二萬斛京師發賣加一巡○領中樞府  
事金尚喆等率禮堂入侍請上尊號曰 殿

下備經艱難再安宗社神功聖德千古罕有  
為臣子者豈不欲揄揚功德以垂後世乎  
上曰若聞此語予心悲慟一倍層加且予近  
因上號倍覺悲感卿等豈可以此重憾予心  
乎判中樞府事徐命善曰此非今日創行之  
事即我 列聖朝已行之規豈可牢拒不思  
體下之道乎 上曰 列聖朝盛際時各不  
同今予情事決難為此左議政洪樂性曰  
殿下之功德如彼羣情之難遏如此豈可無  
揄揚之舉乎 上曰人情天理之外夫豈有

所謂羣情乎諸臣又縷縷仰請 上曰雖以  
此事之未成係國家安危決不可為且非徒  
今日惟予一生決不為之不料卿等之不諒  
予心至於此也予於代聽臨御誠不得逃遁  
此事則地處自別今聞此言徒亂人心予不  
能見孚於體國之臣者深可愧也○因嶺南  
儒生上言教曰周宰成之忠義其子道復之  
孝行可謂卓然錄用之命無或淹滯旌表令  
該曹稟處又教曰孝烈之非贈非復賞無可  
施之人特下題給食物之命蓋以其人設或

已死其家有妻孥故耳○五月教曰賑邑守  
令論賞加資也璽書表裏也表裏也準職也  
熟馬帖給也陞叙調用也兒馬帖給也凡七  
等璽書表裏之典有名無實自今有璽書表  
裏諭書以其實蹟措辭撰出安實賚傳無璽  
書表裏馬帖以有旨成送○六月御宣政殿  
行都政教曰一歲中稱都目為大政者以其  
九流之所咸萃八方之所觀瞻也晉賢而甄  
才獎善而酬勞疏滯而闡微俱在於此凡此  
數者一或有失惡在其為大政也○秋七月

遣兼春秋金健修遍審畿邑農形命旱甚虔使之代播毋或愆期○旱減膳求言翌日雨禮曹請復膳教曰修省之心豈以得雨而或弛求助之餘切欲聞昌言諸臣其即應旨卿宰以下陳疏者凡四十餘人○命停守摠兩營習操教曰纔經大侵瘡痍未蘇見又曠乾此時急務要在不撓民三字不可以許久停廢有所持疑其令停止○命禁府刑曹所決獄案抄其肯繁月終錄啓每年季朔都成冊子以啓著為式 上嘗過內苑卧麟坪指一

土室語侍臣曰此古所謂北寺獄也宮中有罪者囚之予念官府一體凡罪人付有司勘斷土室廢不用只有古址也○以三南憂旱命停闕內修改之役教曰三道民事夙宵關心室宇頽圯有不暇顧○永禧殿有修改之役 上親臨董役教曰昔在先朝凡有廟殿修改整衣臨御于移安廳前還安後始入小次此小子之所嘗欽仰者今何敢自暇自逸不思繼承之圖乎工役告完影幘還安後仍行酌獻禮○上詣璿源殿將還於小阜設

御座顧謂侍臣曰臨臯望遠眼界爽豁登泰山小天下登東山小魯聖人之言儘有味矣且王都者八方之中央山川之氣蜿蜒磅礴經軌九涂廟在左而社在右者我太祖創業之宏規也休養百年前有朝而後有市者我列祖守成之洪謨也喬木錯蔭人烟雜沓卜世千萬如周家之定郊鄩擇地上腴如漢室之宅關中予與羣臣其可不念我祖宗付托之重而思所以繼其志述其事耶諸臣咸對曰俞○八月 上御春塘臺召講太

學儒生設食堂語諸臣曰程子見僧舍會食歎其有三代威儀况賢關食堂乎鼓進齒坐秩然可觀予故樂與諸生共之藿鹽雖薄勝於內厨珍饌卿等其各一飽仍飭圓點之法○九月洪忠兵使以熊曠人啓教曰獵捉以除民害而獵軍之貽弊民間反甚於熊此意嚴飭○是歲諸路告饑 上大加憂惕日召有司之臣講究荒政時值誕辰 上曰藩閩牧伯奉箋稱賀而惟予一心憧憧者吾民民方殿屎安用賀為○冬十月京畿三南關東

告歉北關大饑 上命劃給賑穀又下內帑銀一千兩錢二萬緡胡椒五百斗丹木一千斤分送諸道補賑尚方御衣貂皮積儲者一體頒下諭諸道道臣曰小民自可付賑前啣朝官暨章甫之士及班族婦女之窮寡者莫之自衛坐而見漏守令躬行分給毋令一人不獲又諭曰歉歲開賑從古何限而必稱益州之韓青州之富者以其一箇誠字貫徹民情也○諭湖南曰湖南即朝家根本本地也軍國之需公私之費專靠於此當大無之歲不

蠲不停推剝不已此何異於剜心肉而出童叟乎道臣狀請凡九條非不切實而以予觀之誠有未盡也有民而後有國矣恤乎經用有民而後有兵矣恤乎軍資經用軍資猶且然矣况內需乎宮庄乎外此而有裨於懷保之方者天廐上駟捐之尚可况在乎貢駒養鬣大庖常供蠲之無難况在乎朔膳方物民勢方阡於竿頭藥料何論於竹瀝此予所以不俟申請另施未盡者也仍命耽羅貢馬全數停免○諭關東曰古人有題畫菜者曰不

可使民有此色民之有菜色人君之恥也今爾九郡之民將有填壑之勢憧憧一念曷嘗頃刻忘于懷也今秋九郡公納之出於身者嶺東全蕩嶺西半減○諭湖西曰朝家於湖西何嘗一日忘于心哉沿野荐歉公私俱空民勢之遑汲可推而知况湖西士夫鄉也士夫契活非陶冶販賈之工於謀身只寄於畝畝之中今畝告荒若無公穀之計巡分糶何以資生而治農乎向來資賑劃給者穀包為九萬有餘錢貨亦至萬金然將此較彼終

不能相當此予所以耿耿一念忘寢與食焦勞將至生病也經用之莫可收拾予非不知而似此荒歲何拘常規本道結錢漁鹽船稅錢二萬三千兩特許全數加劃從便補賑○諭北關曰關北一道王跡所基仙寢所奉即我家豐沛之鄉也自我列朝眷顧子惠之政輒先茲土身蠲夫里之布田減什一之租隆恩厚澤與天無極逮予寡昧嗣服以來惟先志是承是述蚤夜一念常勤北顧今年極備為灾斥鹵之地幾乎無青帝飢顛連之形

國朝實錄卷之二十一  
幾何不至於盡劉爾等欲居則無穀可食欲  
散則無地可歸其勢誠窮其情誠可哀也顧  
今嶺東饑畿甸饑兩湖亦饑雖散散且焉之  
國家儲積雖乏尚可以分賑尚可以排糴爾  
等有恃無恐永圖奠居以承旨李在學為監  
賑使使之往宣綸音慰撫賑恤特命列邑新  
舊糴並分數停捧大同田稅及各樣米布錢  
之出於民者并許蕩減又停朔膳名日物膳  
方物及 慈殿慈宮進獻以補賑資又內下  
錢三千緡布三百疋以備賑外別巡教曰苟

利於民肌膚何惜曩為南民誦之獨於北民  
不之然乎及翌年賑政告完教曰勞實可紀  
擢授李在學嘉善階○時有三道移粟之政  
命仰遵 英廟壬戌聖教各祭道內海濱之  
神以祈利涉○全州有內司田一百六十餘  
結道臣啓言是民田之誤認者該曹以內司  
之有券執不可 上曰何論有券無券事關  
吾民正稅且蠲况內司之需乎其悉給民○  
十一月印頒字恤典則于中外下綸音曰荒  
年饑歲吾民之顛顛連者孰非王政之在





未滿六十日有始無終者勿施其父母族屬  
 中三朔前推尋者倍償收養穀物許令還推  
 救活後厭避者以叛主論威勢還奪者以枉  
 法論○後行乞及遺棄兒饋粥乳之節每月  
 終該廳即官審其肥瘠察其勤慢不善饋粥  
 之庫直不善飼乳之女人每警責該部官  
 貧或忽修報該廳即官及遺棄兒無衣之類  
 自賑廳論罪○行乞及遺棄兒無衣之類依  
 賑廳例造給乳女或無衣者隨所見一體  
 造給疾病之類自該廳分付惠民署使之救  
 療○外方則面里任隨所見報于本官自奉  
 官審察其虛實行乞兒只設賑粥飼乳之節  
 兒毋論設賑與否通同舉節施行穀物以常  
 留接收養之法一依京師節施行穀物以常  
 賑穀會減醬糶自本官營逐邑條列狀聞部成  
 穀數報于監營自為憑考之地各邑守令如  
 或違送賑恤聽以善舉行依京廳例道臣狀聞  
 論罪繡衣廉探時一  
 體摘茲從重勘處

○上聞街巷有餓孛台

見京兆堂上責之曰咫尺城闈有此填壑之  
 患不即掩土亦不上聞此何異於非我也歲  
 也莫非予自反處何暇責卿等○十二月行  
 燕射禮習儀于春塘臺教諸臣曰成周之制  
 天子諸侯之射有三射於澤宮謂之大射射  
 於郊謂之賓射射於燕寢謂之燕射皆所以  
 觀德行而媚禮讓也我朝則澤宮燕寢通稱  
 大射且其儀文率多因襲未必盡合於成周  
 之制年前命閣臣博考儀禮及戴禮斟酌損  
 益欲以明春復設燕射故特召卿等行此禮

也

**甲辰**

八年春正月 上以社壇享樂古奧不諧聽故肄習絕罕音律多舛召樂院堂郎于會慶門率樂生舞工肄習于庭親臨視之○召見儒臣教曰今日召對非亶資啓沃也明日即朝參而近來以言為諱無論袞闕與官師寂寂寥寥此非清朝之大羞恥乎書不云乎臣下不匡其刑墨爾等其勉之○教曰不有賢士能為國乎士也者有國元氣上之人培養如嘉木扶護如稗苗庶可以責楨榦之成

效矣噫鐘不自響叩之即應士亦奚能自達於朝也政須鼓舞振作之功予所以惓惓於培養扶護樂不知疲者此也因予緇衣之好不及古人白駒之繫不在空谷弓旌玉帛儀不及物是豈舉一世真無其人而然哉側席中夜自視欷然廟堂選部體予至意博訪薦之予當以禮致之○二月命高麗侍中忠靖公禹玄寶配享崧陽書院仍賜祭從畿海儒疏之請也玄寶祭酒倬之孫其學得於家庭而遊文教公安軸之門與鄭夢周同心講究

復喪制禁族婚興庠序初制度其精忠道德與鄭夢周無異也○教曰見今饑饉荐仍予方日夜憧憧際有星孛之變地動之響噫此何等時也君臣上下政宜奮勵以盡修省之道百千病癘皆坐言路之不闢予所欲聞者即寡躬愆尤時政疵類也三司之臣其各陳匡救之說○以嶺南運穀之利泊命督運御史金載人加資○命刑曹議讞死囚教曰成獄未完決之類經年閱歲不生不滅宛轉桎梏豈非干和之一端况今天序屬發生之節

對時育物不宜少緩諸堂直宿本曹聚精詳閱可放可仍區別稟處仍飭諸道雖已完決之獄起疑論理以聞○時行發賣於都民上念凍餒之民感觸寒氣飭該堂早赴衙自始分至畢分毋或暫離○三月修撰成種仁上疏略曰 殿下之為學持養不篤發諸辭令有文勝之弊措之事業欠體行之工前後章牘豈無袞闕時政之歷論 殿下未嘗不允俞而未見允俞之效此其為害殆甚於訑訑之拒所以不得聞讜直之論也饑饉荐臻

民業大窮憂恤經畫無所不至然而於濟民之方猶未免循末而舍本何者侈風之未革也答曰首言為學之工予庸嘉之無言之弊予誠受而為過矣○上御宣政門引見賓對諸臣教曰今當窮春中外艱食天灾流行何國蔑有懷保之責專係人事昔在先朝每軫都民捐瘠諮訪弊癘講究便否眷恤之德藹若陽春此予所仰觀發賣穀之加給一巡貢市人之臨門俯詢亦出繼述之念苟益於民何財之足惜何事之不措予之坐而待朝

食息靡寧者只為都民之未蒙一視之惠假貸之政斂敷之術罔或自阻悉陳毋隱仍命以各營各司錢十五萬緡散貸貢市民○閏月命遵 英廟丁卯受教大臣銓堂會賓廳議薦經筵官以金履安閔彝顯金斗默曹霖應選 上諭召履安曰胡明仲之於文定司馬康之於端明有是父有是子至今傳為儒門盛事爾大家遺裔志行也經術也不問可知為故贊善之肖子况文正文忠忠獻文簡道德名節與國相須爾雖欲不念喬木之義

國朝實錄卷之二十一  
及遂適軸之志其可得乎論名彞顯等曰俱  
以名賢之子若孫首登遴刻豈非邦家之幸  
歟○夏六月行都政教曰國之所以維持者  
忠與賢是已忠賢遺裔之存錄非但念其人  
盖所以樹風聲礪世教也仍命調用文正公  
宋時烈後孫○秋八月命議故奉朝賀洪鳳  
漢謚○大司成閔鍾顯奏言本館丕闡堂之  
西有關入齋而間經回祿 顯廟甲辰撤兩  
尼院移其材而建是齋命以是名盖體 聖  
祖崇儒闢異之盛意也歲甲適回宜及今重

建 上令度支改建○謁永陵遣閣臣致祭  
于坡州豐溪祠即故忠臣朴泰輔吳斗寅李  
世華並享之所也○遣承旨致祭于月山大  
君墓命祀孫調用教曰大君家舍不知何時  
轉賣而風月亭扁額尚留云 宣陵朝友于  
之寵渥至今傳誦使大君子孫不得世守賜  
第豈非欠事令戶曹贖還○大臣鄭存謙奏  
言朴仲林以忠正公彭年之父同時殉節職  
是正卿宜施易名之典從之○命幸行時結  
陳慶迎接慶駐駕時道傍禾穀之傷損者令

國朝實錄卷之二十一  
地方官看審蠲稅○詣璿源殿展拜仍御仁  
政門受百官朝參宣諭在廷諸臣曰今年今  
日即我先大王御極之回甲也中元之霜  
露方濡履端之日月重回俛仰疇昔感慕者  
切嗚呼辛壬事尚何言哉國勢凜凜如厦將  
傾曰若二三臣忠良捐生舍命誓扶我宗祫  
質天地鬼神無疑視刀鋸鼎鑊如歸掃蕩羣  
陰擎升六龍卒之有是年是日官爵之大小  
雖殊要皆只知有國不知有身為我先大  
王效忠立懂則一也忠獻公金昌集忠愍公

李健命忠文公李頤命忠翼公趙泰采忠獻  
公李廷燭家遣近侍致祭贈參判金省行慘  
彼鍛鍊之死不撓其忠義之凜然尤有卓爾  
者特令旌閭忠簡公趙聖復其之死不撓與  
金省行無異一體旌閭忠定公李弘述景武  
公李宇恒忠愍公尹愨忠穆公李尚蘅忠莊  
公白時耆忠毅公金時泰故兵使沈樞家遣  
禮官致祭故武臣梁益杓禹弘采故訓導李  
鳳鳴並贈職噫白髮丹心起自投荒以明義  
理嚴懲討為已任文教公鄭濬文忠公閔鎮

遠是已祀孫錄用布衣抗疏倫彝以之不墜  
凶賊以之破膽予於李義淵見之特令加贈  
達城嗣孫之首彼毒鋒吁亦慘矣府院君家  
遣近侍致祭忠肅公李晚成伊時事每一思  
惟令人盡傷奉祀孫問名以啓忠簡公洪啓  
迪迄不宣謚云另飭銓郎往宣○九月詣真  
殿展拜御宣政殿召見致祭家子孫仍御春  
塘臺親製七言絕句使廣進○先是教曰報  
本之道莫大於揚先成王周公闡文武之謨  
烈尊以至於配天而君子不以為泰考之我

朝尤重是典 肅祖追上徽號于 太祖太  
宗 英考追上徽號于 孝宗顯宗肅宗噫  
範金為章鏤玉為策奚足以摸畫日月之萬  
一哉槩不如是無以彰鴻化而貽燕謨也今  
以甲辰之歲逢仲秋之月不以此時誕舉徽  
稱何以慰八方黎獻親賢樂利之思乎 英  
宗大王貞聖王后追上尊號 王大妃殿加  
上尊號予欲詢于卿等決之咨爾宗親文武  
百官須各獻議又教曰顧復之恩銜恤之慟  
孰有如予小子者哉欲伸千乘之養而穹壤



靡逮徒循三朝之禮而 慈心莫慰撫躬隱  
慟此何人斯區區淺忱惟在於追加顯號少  
答隆恩嗚呼所不得為者固不敢為其所得  
為者又安得而不為也哉然事係莫重理宜  
博詢 景慕宮追上尊號 惠慶宮加上尊  
號大臣卿宰館閣三司之臣各具意見以進  
之詢議僉同追上 英宗大王尊號曰配命  
垂統景曆洪休 貞聖王后尊號曰昭獻加  
上 王大妃尊號曰翼烈追上 莊獻世子  
尊號曰弘仁景社加上 惠慶宮尊號曰貞

宣○冬十月命疏批之過三日未下者政院  
徵稟定為式○十一月舊於德源等三邑海  
倉儲穀名曰交濟倉為救濟關東嶺南而設  
也 上命並置於北關備局纂進節目節目  
明川會寧慶興富寧等五邑皆有三四海倉  
優於積峙且多附近百里便於斂散一併捧  
留於各其海道既遠民戶且少踰嶺運輸多  
邊面里程道既遠民戶且少踰嶺運輸多  
掣得四邑量其多寡分置於平倉海倉茂山  
一府雖有海倉在於他邑越境糶糶反為弊  
端姑且置之○交穀之捧留海倉專為裝載  
之地海倉全置邑先擇船泊之便穩庫舍之  
廣敞定為捧留之所平倉海倉分置邑量其  
道里遠近倉庫大小先從海倉捧留餘數捧  
留於平倉必以濱海附近處為主無論平倉  
海倉交穀所置處並書揭交濟倉號以示別

異之意平倉空出一庫別為儲積毋令混雜  
 於他還穀交數實數及應行諸節先為頒示  
 於當分社里俾民人咸知法意之嚴重○又  
 置之法一依南關例施行而各邑會付元數  
 寸二萬石內八萬石恒置庫中四萬石分給  
 民間三年之內輪回改色如有不時船運聞  
 命即發或有斛內欠縮穀色鹿劣等弊則該  
 守令狀聞勘處監色自本道從輕重嚴處○該  
 開倉封庫一皆關由於營門而開倉時先報  
 巡營今年則某庫某年條為分還當次而名  
 色為某穀詳細報局分給各穀為幾石磨勘後  
 巡營修成冊報局分給各穀為幾石磨勘後  
 庫各穀為幾萬石取耗各穀為幾石監色庫  
 朔料用下各穀為幾石取耗各穀為幾石監色庫  
 開視瞭然無一相左○此穀既無異雖遭歉荒  
 體段之重事例之嚴與軍餉無異雖遭歉荒  
 之歲不可升合未捧或值停退之時亦不可  
 混同舉論巡營反閱京司摘奸時毋論未捧  
 與欠縮五石以上守令一依軍餉例論五  
 監色捉囚營獄無遺準捧後嚴刑定配五

石以下監色刑治準捧充上○今此諸條多  
 倣南關已例而不無詳略之差異或有邑勢  
 民情之相碍難便者大則狀聞請命小則論  
 報備局期於十分停當永久無弊而向後不  
 得已變通者 ○耽羅以州饑聞命羅里倉穀  
 依此施行  
 刻期督運凡貢獻物種及民之出於身納于  
 官者並御供御藥而另行蠲除

**乙巳**九年春正月教曰近聞諸路社壇多不修  
 治城墮剝落箭門朽傾裡祀之地鞠為樵牧  
 之場事體屑越未有甚於此者頽圯荒廢者  
 隨即修改置守護以時掃除定標限以禁耕  
 犂每月以有無事報巡營自巡營轉報儀曹

以考勤慢○上以兩湖漕轉晚裝臭載民邑受弊詢于大臣諸臣設京江船作隊之法令四津別將管轄勾檢量道里定期限排以再運分以各倉減其刁蹬之費申以護送之規令備邊司著成節目○二月賜濟州三姓廟額○行晝講講孟子侍讀官李敬一曰顏子三月不違仁三月以後便非純然天理矣上曰顏子則亞聖也當以大聖論之孔子曰吾十有五而志于學三十而立四十而不惑五十而知天命六十而耳順七十而從心所

欲不踰矩雖以生知安行之聖尚有工夫之節次如此矣仍問求放心之道敬一曰瞬有存息有養無一刻不省察乃是求放心之道矣○夏五月先是飭內乘調馬取稟宣傳官巡番牌出納時毋得與中官對語使司謁轉稟定為式至是又飭諭武臣曰南衙北寺防分截嚴一或踰越國有常憲宦寺之禍人家國亦云慘矣弘顯弄機而漢室不復輔國專權而唐祚遂移猗歟 列朝痛抑此輩守門傳令之外不使之參與朝政逮我先朝尤

嚴於此槩我朝家法也前後逆獄輒思從寬而事係閣豎未嘗或貸此箇事理外廷尚或銘念韎韋之臣尤宜迴別年前以交通宦寺者論以逆律俾各警畏期於不犯○六月以校理申者為北漢山城按察御史令點閱其軍器餉穀採民瘼僧弊以聞○秋七月教曰日月救蝕法意至重五禮儀百官各於本司置鼓廳事前重行向日而立重行二字明是各司諸官之並參近聞非親臨則只入直郎官救蝕云事體不當若是此後應參官負不

可無一定之式外此器械亦宜裁定俾無如前褻慢○八月宮園儀成 上詣景慕宮親上○教筵臣曰禮有祿足以代耕之說我國之職田廩田是也職田者宗親文武官恒受有差等廩田者牧府郡縣所受有差等壬辰後境界紊夷職田廢至於廩田大同行後定營官需故相金壽恒嘗建白職田之議因朝議之多歧未果行忠信重祿所以勸賢而京職諸官不但無職田廩祿亦變而為散料以今經費雖不可復舊至於官房折受不緊衙

門屯田在所當禁○館學儒生閔致謙等疏請文純公權尚夏配享考巖書院賜答許之曰書院無配享之規則已不然以文純配文正夫孰曰不可况今正學綦蕪士乏講明之功乎仍遣近侍致祭○九月遣官致祭于忠宣公文益漸書院仍宣恩額春曹因湖南儒生言請之也益漸麗季人奉使入元為恭愍王立節竄劔南其還潛取木綿教人織組其利於民如此及歿以衣民大功追封江城君○大典通編成 上以經國大典續大典各

為一書艱於考據取二典及舊今受教通為一編命重臣金魯鎮等纂輯大臣金致仁總之書成頒行中外語筵臣曰通編新增條予所難慎者事係死律不敢增一條○印頒兵學通命京各營習陣南漢城操統營水操皆準此遵用○冬十二月建 四朝御製御筆碑于東南關王廟

國朝寶鑑卷之七十一

國朝寶鑑卷之七十二

正宗朝四

**丙午**十年春正月朔日有食之責躬減膳○詣  
義烈宮行酌獻禮以封爵周甲之年也○御  
仁政門行朝參博詢弭災之道命文蔭武百  
官下至各司官生衛士掖庭書進所懷皆親  
覽賜批陳勉者嘉納言事者下廟堂該曹稟  
處內閣提學吳載純等聯劄略曰揔攬權綱  
人君之盛節及其過也弊亦隨之 殿下獨  
任聰明不遺巨細重以人才眇然無可當

聖心以講學則至煩教誨以事為則徒循指  
導君道日亢朝象日下上固低視下且自輕  
廟堂臺閣銓衡藩閫百執事之人皆不敢以  
其職自居 殿下將誰與共天職也仍陳登  
賢去不肖任官責成之方曰摠攬之實在此  
而不在彼也 上答曰語及袞闕以摠攬二  
字為歸者切中予病處卿等職在近列陳此  
良箴極用嘉之大司憲金履素言近來燕購  
冊子多不經書籍左道之熾盛邪說之流行  
職由於此請嚴禁從之○命忠義金應斗內

禁衛辛翊寧調用以其所懷切實該洽也○  
定老職加資歲首下批及大小科回榜人加  
資之式又命雜科一體施行○二月先是  
上親製關王廟碑銘豎之廟庭至是命以碑  
銘分章為樂歌樂用三成關廟用樂始此迎  
奏王在章真獻奏肝蠻章送神奏錫殿章樂  
工着介胄立五方旗幟樂器中鼓一杖鼓二  
金一小金一大琴二太平簫二大  
○飭京兆訪問  
孝烈及行誼表著者教曰敦尚風教王政之  
最先○飭京外搜訪過時未婚葬者助給其  
需○詣禧陵孝陵展拜教曰今日展拜仰惟

聖后聖祖盛德至善曷任愴慕仍遣承旨致祭于坡原府院君尹汝弼祠版祀孫調用又教曰故儒臣金麟厚契遇可謂曠絕千古卜日致祭其後孫本陵參奉擬入又教曰仁聖王后享壽六旬至宣廟乙巳羣賢伸雪之時聖后逮視况昨日仁宗誕辰也是日拜是陵事不偶爾仍命錦城府院君朴墉祀孫調用○上遣中使問鄭致達妻之病王堂上劄論之答曰法自法息自息時節問遺疾病存恤即當然底事爾等在論思之地

猶可勸予為之乃及聯劄論陳惜乎不曾讀前輩奏劄也○有言科場易書當革者上詢大臣及試官皆言徒損經費無益防奸領議政鄭存謙曰舊典不可輕議上是存謙言○王山大嬪私親奉祀孫上言家貧無以供香火乞蒙周卹戶曹以干息請置之上曰大嬪私親家先朝月給米包歲致祭需丙申後似在減罷中月給雖難遽議歲致宜有定式依儲慶宮毓祥宮私親家復戶之規給其半後又令大嬪墓間年修補春秋看



審忌祭行於墓○三月龍川薪島有大國人越境來住者地方官及鎮將入島搜索草舍四十餘處民人六百名漁網船楫無筭乃縱火燒之驅逐其屯聚者道臣以聞上以不俟朝廷指揮擅行燒毀罪營閩邑鎮之臣教曰國綱立則邊禁不期嚴而自嚴今乃徒恃兩力之強弱務快一時之觀聽鬱攸所過雞犬亦空使屢百商人頓足鼠竄忠信之教豈容若是仍命申復月三搜討之規○命京外壽資百歲以上人加設同中樞並單付外方

人又令該道給米肉○召見知中樞府事姜杭回榜也教曰大科回榜絕稀之事况科名即先朝御極後首設之式年榜也豈勝愴懷再明適值式年新榜謝恩謹遵肅廟朝回榜人故判書李光迪故事令花帽公服來謝度支賜米布及謝恩上奉次肅廟御製賜李光迪詩韻命閣臣宣讀賜之教曰予意蓋在尊高年念舊榜而亦寓修述之意也又賜內廐馬內吹舞童及蓋上以乞言之義問嶺外人才杭言安東士人柳滄是故相

成龍孫以操行稱 上命道伯採實以聞除  
漕職○夏四月西部甕幕里失火延燒三百  
四十餘戶以登聞稽緩特推京兆尹差金啓  
洛慰諭御史往諭曰昔河內失火漢武使汲  
黯持節往視之黯以便宜發倉賑餼漢帝嘉  
之夫黯一使臣猶能不自負其職為人上者寧  
使一夫一婦失其所哉仍命坊役限三年除  
免戶曹助給材木賑廳優賜米錢又命御史  
轉往八江詢瘼以來○旌表故宮人墨世所  
居之舊里以有殉國之烈節也○命別設厲

祭以疹疫熾行也仍命外邑熾行處一體祈  
禳○初 上命京外掩骼既而以五部收瘞  
之不動嚴責該官教曰先儒不云乎一命之  
士存心愛物似此部官何責他日百里之任  
仍遣備邊郎宣傳官審察以啓又屢降飭諭  
于諸道臣守臣考邑鎮勤慢以聞至是告訖  
京外掩瘞摠三十七萬九百七十九處賑恤  
廳會  
減各穀一千三百四十四斛木綿二十疋布  
一百九十三疋錢一萬七千五百三十八緡  
○教曰昔我 祖宗朝凡係懷保字恤之政  
靡不用極設典醫監又設惠民活人署疾病

診救之藥餌助給之惠鮮之息先斯貧窮壽考之化覃及寰區近聞疹疫熾行又因調治昧方醫藥失時不無札瘥之患貧士窮民之顛頽無告者其誰拯活之念彼光景如在目中令京兆曉諭坊曲藥物無以自辦者往告醫司醫司診疾給藥間五日修啓今茲之教亶出於仰述列朝恤民之盛德因是而一夫一婦賴而全活亦足為懷保之一助其令有司着意對揚頒下內劑安神元二萬九千九于闕內外各處又以二千九分下兩醫司

教曰非曰足以遍及百姓槩投醪於河之意也又以患疹人多服皮稷木麥之屬令司僕寺輸送召見典醫惠民提調教曰疹疫之作專由中運之客氣古醫之精通術業者必以運氣為先疹疫未出之前預作通行之方以備前頭之用者有之已出之後察其歲運參以時候拈出一方輪示萬民者有之今何獨無此等之人哉若誠心廣求得來對證之良方一依痘疹方救荒全書印行之古例果有普濟羣生之效不亦大幸古有求逸書除官

之事苟獲壽民良方行之有灼然之效其功豈比逸書之來獻既而諸道以醫方之可用者進之命選其最良者頒示中外至六月疹疫寢熄兩醫司救療病民男女共八千一百四十九人○羹墻錄成初英宗命宰臣李世瑾撰進聖朝羹墻錄即大舜見堯之義也至是上教曰英祖盛德大業是書未及載予小子嘗謹述行錄一篇在儲時所受聖訓悉有劄記亦名羹墻錄其選文學之臣並攷列朝簡策彙分次輯予將朝夕

敬覽亦以貽我元良俾夙知我祖宗心法治矩仍命大臣李福源摠其事至是書成進之其目有二十勅業敬天篤孝治相裕昆敦親典學附量來諫用人勤民附勸忠祀附禮定制右文附斤詰戎附柔化俗附辨懋功恤刑理財附崇接附節下建中○五月王世子薨議定服制暮年禮曹啓言王世子喪服制國制殿下齊衰暮年喪禮補編以殿下斬衰三年載錄請問議大臣儒臣領議政鄭存謙議齊衰暮年既是國制又有戊申已行

國朝實錄卷之二十二  
之典禮似當遵此補編編輯時至有歷詢之  
舉而諸議皆持難臣不敢質言判中樞府事  
徐命善領敦寧府事洪樂性判中樞府事李  
福源金煜議亦同 上曰齊衰朞年之制雖  
有戊申已行伊後補編改以斬衰三年今當  
遵補編而正體之說出自註疏為先正所勘  
定者受教中元無明白指教 聖意所存有  
未敢知推此正體二字義理所係甚大體不  
正正不體在今日俱不能無嫌受教遵奉似  
非寡躬今日之所敢遽議○命釐正羣臣表

服用屨之制初禮官遵戊申例用白皮靴大  
司諫李崇祐上疏言其非 上詢大臣儒賢  
館閣堂上命改以麻屨○六月朔寧漣川民  
失火燒屨百戶遣宣傳官發倉賑之蠲其年  
糴○命謚號及陵殿宮園廟墓號議定時奉  
常寺都提調提調大司憲大司諫副提學一  
體進叅以為式從禮曹判書尹著東言也○  
時有毆奴致死者奴之子故誣引他人發其  
事 上命秋曹用奴告主之律教曰奴主之  
分截若霄壤一有凌犯倫綱虧壞我朝立制

專尚名教扶綱植倫之政靡有所不至蓋堅冰之漸戒在履霜而天地之大防終不可踰越故耳又教曰皂隸之賤莫識官長僕圉之徒不畏家主貧士寒族之偏受凌侮者是由過於抑強而為弊至於長頑從又的定之名律初無槩見者是豈王者制祥刑之意卿等博考典律就議大臣定成畫一之斷例及議啓上曰小民不識律文容易犯科似此律令關係人命卿等就律文中關係犯分蔑綱者條錄一通頒示坊曲○親臨都政命錄故

相臣鄭弘淳故諭善朴聖源後教曰生而禮使死無存恤非所以終始眷遇也○秋七月上嘗以內需司錢布遺儲給度支補經用筵臣有言此甚盛舉上曰李文成以內需司事累有陳說此固經常之論而一罷之後百費之自內司擔當者并責度支其弊必如大同未出時防納點退之患予則謂內司非人主私財也古語云為天下守財予果節省不敢妄費近來比前稍裕者蓋以初不視之私財故也至於補恤庫儲蓄專為水旱不虞之

備御極後屢當歉荒多有所用雖使先賢論之不當為必罷之議也○八月承旨徐滢修啓言江東縣有周圍四百十尺之塚故老相傳為檀君墓至登於柳馨遠輿地志上命道臣修治附近民戶永定守護邑倅春秋進審○遣近侍行祭于愍懷墓命愍懷嬪私親墳墓之在局內者勿禁伐木修治塋域仍令設祭調用文貞公姜碩期後孫因本墓補土之役有是命○九月幸貞陵行酌獻禮教曰盛典未遑至顯廟朝誕舉縟儀今日來拜

采增追感仍命訪問象山府院君康允成撫安宜安大君墓地並致祭惠慎翁主墓亦致祭申飭地方官修其塋域親撰祭文遣承旨致祭于益安大君影堂影堂及祠宇飭令修葺召見奉祀孫厚加賙恤以益安國初宗英而開國元勳也頃之又命修治其墳墓調用其祀孫○湖南儒士上言請忠莊公鄭萃配享忠烈祠上許之曰生則同其操死則同其節二相六臣皆有俎豆之所惟忠莊尚此獨漏大非朝家褒獎之意仍命遣禮官致祭

國朝實錄卷之七十二  
十一  
○命各邑編配之數近十人者移配他邑著為式○冬十月重卜奉朝賀金致仁為領議政 上召見曰國勢孤危朝象泮渙必須廟堂之上保合調停致仁以監先王成憲悠久摩漸仰勉 上曰予亦未嘗不悠久摩漸先大王五十年治化有非予萬萬可企及如天之不可階而升以是功效久而不立如卿老成協贊佐理方可以仰成來效○上嘗語筵臣曰予之初心非不欲以三代為可追而世道人心日以益下國事無可為比之漢唐

中主猶可愧中夜思之茫然不知為計○十一月命以息信君禎奉延齡君祀遵 英宗命也○忠翼公金宗瑞祠版露出於白岳山麓王函中而其後孫已親盡大臣以奏 上曰忠翼雖非勲臣拓邊之績至今傳稱况其節義不下於六臣特令不祧仍令該曹訪主祀人調用

丁未十一年春正月京畿兩南饑給穀京畿一萬八千斛湖南七萬七千斛嶺南六萬九千斛哺饑民○加上 王大妃尊號曰明宣親



上冊寶告廟頒赦○二月原春監司金載瓚  
白 上曰順安縣衙有 仁元王后手種栗  
木築壇建門丹墀揭板而 先大王御製揭  
于衙內小舍體貌不嚴於栗園中建小閣尊  
奉宜也 上從之御筆扁曰栗園亭御製亭  
記遣閣臣揭之○行 綏嬪朴氏嘉禮宮號  
曰嘉順○右議政趙璈新拜相職力辭不膺  
命 上屢下敦飭及幸元陵駕次晝停所召  
璈入侍親授命召璈退而還納終不就 上  
下教切責削其職後教筵臣曰聖人以爵祿

可辭比之蹈刃而辭樞密惟宋司馬光一人  
趙璈秉義遯荒毅然自靖晚節卓乎難及○  
分遣繡衣按廉三南兩西民隱之合審察者  
別下封書以諭之其諭賑政曰道伯以惜穀  
操切其守宰守宰以減口沽術於道伯願領  
之類及彼落漏顛連溝壑者種種有之予為  
民父母每一思惟不覺淚先盈眶爾其體予  
至意盡心詳察○三月時米穀翔貴都民艱  
食 上命宣惠廳頒貢錢布以米代給又預  
下貢米一萬斛又出內司米輕直發賣○教

曰凡配食廟庭者稱功臣觀於五禮儀諸書可知况其竒績偉業豈讓紀常之人乎自今配享功臣子孫一從錄勲例用宥世之典○夏四月淳昌郡有三軍門所納紙物至七千束之多大為民弊上命革罷令該軍門取其價買用○左議政李在協白上曰故參判李彛章文學經術政事才猷見推一世而其樹立之卓然無愧古人請贈職賜謚從之尋命不待狀議謚曰忠正○司諫李師瀛登筵陳時務十四條上賜批嘉納仍教曰

爾於媿媿之世不循俗套一番詣臺輒有袖草極可尚也擢師瀛為承旨○教筵臣曰人才無古今惟在在上者導率之如何有取其大體者有取其一能者賢不肖智愚使之各當其用未見有一箇不可用底人○五月文苑黼黻成國朝詞苑代撰文字也上命諸臣蒐輯活印廣布○命杆城貢蔘之納藥院者減三之一因承旨徐鼎修言而特施之也○六月時雨水極備京外人家多漂頽三南尤甚上屢下飭教于各部各道別施恩卹

國朝通志卷之七十二  
停畿甸關東三南年糴分遣宣傳官審察近  
道農形○所御燕室糊紙渝黑楹椽朽傷筵  
臣請令有司改之 上曰積雨兼旬諸道報  
灾每想節屋蓬廬大則頽壓小則罅漏未嘗  
不惻然在心其止之○秋七月原州賊金東  
翼等妖言煽動王府鞫之多請逮捕 上曰  
愚民惑於訛耳非反也隨供隨逮徒增繹騷  
尋命諸囚下送本地方遣察理使李時秀勘  
斷 上每於鞫囚援告輒再三盤詰明知證  
跡然後始許拿覈恐有橫罹也嘗教筵臣曰

近來屢經大獄輒務曠蕩之典雖未見龍蛇  
之化解網之政不得不如此也○長興府大  
水民家漂壓一百八十餘戶人命滄死六十  
餘名 上以登聞稽遲重推道臣遣文備邊  
郎慰諭詢瘼蕩其糴蠲其稅○江界府使李  
頤祥上疏陳買蓼之弊 上答曰雖聞江民  
難支之苦瘼猶不料切急之到此將爾疏辭  
秉燭屢回如見其他離顛連之狀予將食不  
甘而寢不安仍命減蓼三之一又增其價○  
論思錄即故承旨竒大升奏啓 宣祖朝命

史官哀錄者也 上覽之教曰其敷陳昌言  
扶護善類之功撫卷三復豈勝欽賞耽看是  
書不覺夜已闌而燭屢跋大勝於夜對十度  
年前手抄四七往復源流命名曰四七續編  
有時披閱為益不少况是書之尤有關於治  
體者乎仍命致祭調用祀孫○上語慈臣曰  
奉朝賀趙暉登對時予乞言暉引程子修養  
而至於引年誠小民而至於祈天永命為學  
而至於聖人不如是則為不盡分之語為對  
程子此語即予平生所酷好書揭于屏壁者

也聞其言犁然有當於予心○八月陞長津  
鎮為府北伯鄭民始以該鎮幅員餘四百里  
生聚繁殖請之也○詣明陵行酌獻禮是日  
肅宗誕辰也還次高陽行宮翌日詣昭寧園  
親祭御祈稔閣觀穫賜酒勞田夫奉次 英  
宗御製詩七絕揭之試四邑 揚州坡州儒武  
長端高陽  
還御郡園射壇射小帷二巡獲十矢命藏其  
帷于郡舍倣 先朝故事也召見父老特減  
楊高二邑舊糴士庶年八十人加資七十人  
賜食物○有鄉民潛入鐘閣撞鐘鳴冤有司

請按治 上命宥之曰故制置鐘凡三處一  
曰光化門二曰樓街鐘閣今三曰鐘峴京鄉士  
民有寃者皆許撞鐘鐘聲出典鐘者執奏鐘  
廢之後閤門闕門設午鼓代疊鐘記昔 先  
朝有撞午鼓者伊時處分之教予亦仰聆今  
此撞鐘事其在愛禮之義不可以變常論○  
內閣編次御製以進共六十冊 上念故直  
提學鄭志儉潤色編摩之勞遣閣屬官致祭  
仍追念 英宗朝御製編次諸臣致祭于故  
奉朝賀李喆輔元景夏故判書趙明履賜衣

資食物於綾恩君具允明○上教筵臣曰今  
世罕見曉解經學者是詞章之學有以害之  
予除非臚別志喜記舊未嘗作汗漫吟咏又  
教曰 先大王宸章之尊閣奉謨堂殆近屢  
千帖未見有留意於字句之末者予則時有  
述作終不免役心於文辭之間此乃予萬不  
及宏謨處也○印頒禁紋綴節目先是 英  
廟丙寅有禁紋之令後寢弛至是申禁之○  
上林稻熟御小榭觀刈謂侍臣曰觀刈趣事  
也久坐覺疲况於穫者乎况於夏畦乎遺穗

餘粒命一一拾取曰遙想襪襪之苦豈可使一粒遺諸地也○冬十一月教曰寒威折綿雖重裘擁爐深處燠室猶患其甯烈念宿衛軍之寒凍特令審察果有絮不蔽體尚着衿衣者如是而能無奄殊之慮乎仍命極寒時入直騎堂躬審衛士衣薄者令該軍門周給以為式○冬至夜以豆粥饋銅龍門入直軍教曰鄉軍離家喫苦每以為憫憐也仍命勞問疾苦○十二月豎紀蹟碑于德源湧珠里慶興赤島赤池咸興歸州洞湧珠里 穆祖

胥宇赤島 翼祖避狄陶穴赤池 度祖射龍肇業歸州洞 桓祖太祖舊居 定宗太宗誕降之地也 上皆親撰碑文教曰 先朝乙亥以 太祖誕降回甲御書親製立石於永興黑石里今年 太宗誕降回甲也立石於歸州舊里政合繼述之舉○上指閭梅教筵臣曰衆陰中一脈生意可愛程子勿折柳之說甚好政合體認○社稷祈穀祭陞列大祀初祈穀不列於祀令非親行則單獻小牢無樂舞 上詢大臣教曰我朝祈穀始自

國朝實錄卷之二十二  
肅廟而先朝甲午增牲品之教聖意可  
以仰認且壇儀之昔缺今備不獨本祀儀為  
然春秋及臘大享誓戒無親臨之儀至先  
朝始復中華舊制時享儀文之增行猶尚然  
矣况祈穀大祀乎自來春上辛祈穀用春秋  
及臘大享儀○嶺南伯以安東民朴丁乞獄  
案啓丁乞爭一牛打人致死其妻金慟夫速  
獄遂投水死判曰緹縈上書太倉除刑吉盼  
代囚原鄉免死父子夫婦均屬三綱惟今金  
女事同出秉彝之天有如白水滅身無悔反

復勝於緹縈吉盼豈忍償命於烈婦之夫使  
貞魂義魄徊徨掩泣於九泉之下三尺雖云  
不輕三綱尤係莫重活丁乞表金女之烈不  
至太枉法丁乞減死定配金女綽楔固無所  
惜既活其夫旌孰大焉先施給復之典仍令  
地方官將此處分辭意宣布民間

戊申十二年春正月命北道陵官別檢改作直  
長與令並作蔭窠以文官之積仕空勞參奉  
之遷轉無階也○命亞銓三銓非經筵泮長  
通擬人毋得通望用領議政金致仁言復舊

國朝實錄卷之七十二  
規也○二月 上以郊壇修治灑掃之不勤  
下教飭該曹仍命四孟朔遣禮郎看審著為  
式○三月下綸音曰是年是月即我 先大  
王揚武戡亂之年若月也當時之事尚覺心  
寒綴旒之形危如一髮倘非威斷若神聖武  
不殺制勝樽俎天人助順顧何以收鯨鯢化  
龍蛇奠磐泰於指眇之頃也舊甲云回徒見  
山高而水清以小子追感之心曷其不酬忠  
報勞以答前寧人攸受休哉一絲扶鼎有故  
奉朝賀崔奎瑞片言折衝有故大司憲洪景

輔故參判吳光運同時殉節有忠愍公李鳳  
祥忠壯公南延年贈參判洪霖亦粵諸勲臣  
咸能協籌奮督亟蕩妖氛盟申帶礪紀載旂  
常予懋乃庸曰篤不忘故奉朝賀崔奎瑞海  
恩府院君吳命恒豐陵府院君趙文命家遣  
官致祭蓋臣之褒嘗所承聆記舊之舉何靳  
殊典靈城君朴文秀家一體致祭洪景輔吳  
光運令有司錫以美謚以賁其忠清州表忠  
祠即三臣並享之所遣官致祭收錄其子孫  
豐原府院君趙顯命家不幸無主祀人大非



國朝通志卷之七十二  
二十九  
世宥之義嫡長派免坐復其官故嶺伯黃璿夙夜盡瘁卒保全嶺其死也國人至今悲之其後孫待年長調用仍命贈大司憲李述原褒忠祠贈承旨慎溟翎鄉祠並賜祭諸勲臣嫡長家賜食物守土臣及士民効力死事人贈侑錄恤有差出征將士之至今生存者倡義殉節之泯未褒揚者令京外搜訪生存人或加資或給食物皆令本道錫謙設樂以侑之未褒人或貶贈或錄後令芸閣活印綸音頒賜諸臣又命左議政李在協率勲臣忠臣

子孫來待 上召見之賜紙筆墨及弓子及在協等率諸臣進箋謝恩 上御熙政堂親受召見諸臣宣饌命賡進御製詩教曰 先朝若當此時其於記功酬勞異數曠典當如何予心不勝感傷○改賜故領議政李宗城謚文忠先是 上追念宗城危身衛國之忠命改謚至是又紀是年倡義進討之功令即改議宣謚日特下宴需親撰文遣承旨祭之○上臨後苑賞花膳人熾炭於庭草蓊籊之地教曰亟移之生意藹然方茁豈忍枉入烘

國朝實錄卷之二十二  
二  
炎中蕭索○燕寢鋪席敝筵臣屢請易不從  
有請治庭除者教曰昔舜弼遊屏山歸說園  
甚佳朱子曰園雖佳人之志則荒矣今茲庭  
除也自整齊何必加修為哉○夏六月時癘  
疫寢熾命各軍門及賑恤廳貧者優助結幕  
死者別施恤典頻遣備邊郎察飭既而教曰  
窮乏之類氣虛而病侵病侵則至於不起與  
其顧恤於掩骼曷若先救其饑俾免死亡之  
為實政乎仍命另抄顧領之類排巡給米至  
寢熄而止又命廟堂關問嶺湖另飭救活收

瘞之政○特罷江陵獵雉之貢教曰絲毫有  
益於民御供何拘○右通禮禹禎圭上疏進  
抹弊之方裒成冊子名曰經濟野言 上特  
賜弦弓答曰爾以疎外微官陳此四十餘條  
經綸說話上九條無非切要於心身者當體  
念第十條以下令廟堂逐一回啓仍教廟堂  
曰覆奏之外因類求類益講裕民便國之謨  
則所推施者廣其效不亦愈於買骨求馬乎  
○秋七月壯勇營所管加平屯土有忠莊公  
洪慶厚所居舊址 上曰當效唐宗贖還魏

國朝寶鑑卷之十一  
鄭公第宅故事命還給本主○上對筵臣語  
及英廟五十年建極之功化仍以同寅協  
恭之道責勉大臣曰予之十餘年寤寐耿耿  
思所以仰體先大王苦心者庶可以少酬  
又教曰予之本心不欲為昏庸之主而歷盡  
事變已虛送十餘年光陰予年亦多矣未嘗  
不惕然驚愧晝自今必欲奮發志氣定立規  
模欲令廷臣洞知予意皆思革舊圖新共獎  
王室也○八月泮水堂土中得石磬二枚篆  
刻剝泐餘夾字癸丑字大司成白于筵中曰

磬有癸丑款識似世宗朝朴堧所造上  
命與英廟壬戌所得磬並藏於樂院提  
調及泮長各記其實○命名在丹書外文陰  
武枳望人別單書入教曰有累而見枳者尚  
此滌蕩恢張况無瑕而一落未甄枯黃於選  
陬者不知為幾百輩寧有是也仍命選方人  
落仕者次次調用望單以落仕最久人懸註  
著為式教大臣曰御極後文官一未着帽者  
往往有之君臣尚未識面此所以有飭教於  
銓曹者也仍下詢疏淹之政大臣李性源等

國朝通志卷之二十二 三十三  
對曰文官之如是沉滯足為干和之一端  
聖念委曲至此渠輩必皆感泣 上嘗語筵  
臣曰疏通滌蕩非慰悅渠輩也天地之大德  
曰生冬而蟄蟲而啓蟄於春者天時之自然  
也况人類乎○原春前監司金載瓚白 上  
曰 穆祖國舅千牛衛長史李公肅突山郡  
夫人鄭氏墓在平昌郡 太祖給田命本郡  
戶長主其祀賜幘頭團領玉圈犀帶使具服  
行祭地經兵亂墓無記識近年則設祭於郡  
司廳 上命別立一字妥奉祠版謹遵國初

受教行祀仍遣承旨致祭○親撰文賜祭于  
寧越六臣祠又賜祭于嚴興道之間○九月  
幸靖陵行酌獻禮仍詣宣陵展拜是年 中  
宗誕彌舊甲而 先朝謁陵亦在是年也始  
上駕次西冰庫津頭上游水暴漲下沉濫船  
艙至日晏不得渡諸臣或請回鑾或請移蹕  
江榭 上皆不答顧右相蔡濟恭曰卿何無  
一言濟恭厲聲曰小大臣工無一人挺身出  
謀徒事紛聒日將至晡野次停蹕此何國體  
請督有司之臣及道臣將臣修治慢者軍律

從事 上曰卿言是矣船艙小事則有司存予豈煩辭令乎於是隨駕軍兵及廣州果川民人等一時趨赴須臾工告完及回鑾至江上 上招兩邑民慰諭曰無一惠政之及民而民視我如父母如子趨事予心良媿仍命除兩邑民糴耗軍兵施賞船卒蠲稅○溫陵令崔昌國上疏請 中廟配享臣朴元宗成希顏柳順汀黜享命議大臣諸大臣或持難慎或主當黜 上曰三人之罪國乘載焉野史傳之大夫國人無不以撤黜之尚遲為闕

典人情所同公議可見然 先朝下教若曰存勲名去配食此半上落下議於昔時則可今時則不可况於復位之後三臣者不過庭食而已怵焉之心宜在三臣高高在上有何怵焉又教曰 聖后弘量懿德豈區區於此等事乎在嗣王之道重中興之業體弘懿之德可謂繼述也 聖謨洋洋昭在記注三臣黜享其置之○同文彙攷成 上以事大文字皆斷爛命承文院提調鄭昌順等彙輯刊印○右議政蔡濟恭言西北邊戍卒襦衣紙

國朝通志卷之二十二  
三四  
衣頒送之際有奸弊 上曰昔我 先大王  
每諭予小子曰若當寒威栗烈遙念邊邑把  
防軍卒之衣乏掩體雪上頓足中夜自不覺  
捲衾撤帷蹶然而起仍誦諭唐人詩城上風  
威冷江中水氣寒之句頗遣宣傳官備邊郎  
自闕門把卒衛所巡軍所着以至兩西下送  
者皆命審察今聞奸弊如許此雖一事有違  
於勤諮提飭之 聖意豈勝惕然而悚然○  
冬十月行婦女加髻之禁初 英宗朝有禁  
髻之命未果行至是禹禎圭疏中盛論其弊

上召詢大臣諸臣皆言禁之便 上曰 先  
王五十年成憲之大者有五曰減正也濬川  
也禁酒也互婚也禁髻也上二件舉而措之  
累十年民蒙字恤之澤人免沈墊之患下三  
件之暫施旋格非出 先王本意然行酒重  
祀典也重民命也禁亦 聖德行亦 聖德  
互婚利害姑未敢質言最是宜革而易祛者  
莫勝於加髻故曰禁加髻即明 聖志紹盛  
烈之一端云爾大抵加髻之為據見於禮經  
乎法書乎溯其本本非羨制始也緝髮之容

便成重首之飾爭相夸大滋致翔貴汰靡者  
不顧傾產貧窘者幾至廢倫弊所極矣在所  
矯揉國中婦女加髻一切革祛莫曰婦女服  
飾無關於政治從今由奢而入儉用夏而變  
夷金石可泐此禁不可弛仍命著成節目印

頒中外

節目一士族妻妾間巷婦女凡係編  
代髻之式娘子雙髻絲陽髻係是嫁前之制  
不可用之以編髮後髻為之頭上所戴則依  
前以簇頭今此禁制宜出於紱侈之聖意諉以  
外用簇頭里加七寶之類如前飾用則有改  
代之名無昭儉之實也凡係首飾金玉珠貝  
及真珠唐鈔真珠套心之屬一並禁斷一於  
由味巨頭味係是命婦常時所着人家讌婚

所用勿為禁斷一簇頭里所飾既載禁條則  
婚嫁所用七寶簇頭里給貫出貫先為禁斷  
今後女犯者毋論首飾買賣種種惡習在所  
定配女僧之稱以雜佩買賣種種惡習在所  
痛革申明舊典之類及公私賤並許令以本  
女入街市露面之類及公私賤並許令以本  
髮加首而貼髻加線之類及公私賤並許令以本  
水賜里醫女針線婢各營邑別禁斷各官房  
首之仍用戴以加線了以示區別等威之意內  
醫女仍用戴以加線了以示區別等威之意內  
冬至日為限外方則準行一定限後不遵令者  
二其家長隨其繩○北關大饑移南關穀三萬  
現其家長隨其繩○北關大饑移南關穀三萬  
斛嶺南穀二萬五千斛下內帑錢二千緡綿  
布一百疋胡椒三十斗賑饑民下綸音曰咨  
爾北方之人役車其休歲亦莫止此政村酒

社鼓山樞互答之日而胡罹此化離顛連之苦也關以北數千餘里野無遺秉居無宿糧幾千萬生靈嗷嗷然如在水火乙丙之枕遑可一日安乎重以山海兩阻貿遷無路方秋而流亡者有之未冬而浮黃者有之咎實在予民則何罪茲命奎章閣直閣鄭大容為慰諭御史往撫民庶留管賑政爾尚是依是庇無予云遐爾饑若予饑爾飽若予飽爾困若予困爾安若予安予以爾與共休咎爾等縱不欲以予心為心得乎呼燭申申亶由腔赤

上命右相蔡濟恭讀綸音濟恭曰百姓至愚而神豈不感激而涕泣乎 上曰爾饑猶饑爾寒猶寒等教即予實心也濟恭曰 聖上夙宵憂勤昨日臣等退後又召見北路別付料以至夜深寢睡時絕罕臣不勝悶迫 上曰予則不難勞力惟勞心最難使民生奠安至於勞力何害之有教大容曰 先王每遣監賑之行天語惻怛玉涕汎瀾予則為民之誠既不足以上格天心致此荐饑臨茲命爾無以感動爾心况可望感北民之心乎仍命



北關物膳諸供獻及軍錢麥價布并停減尤甚邑田稅大同米布蠲免○以諸道綿歛凡諸納布皆令代錢者二年於是京師綿布翔貴民無以授衣 上曰觀衛士呀着都下許多士庶呵凍若在目中及隅之政不施於此等處何異於見牛未見羊乎仍命戶惠廳各軍門綿布散賣收廉直諸臣或言給塵便或言抄戶便或言若不抄戶民不知感 上曰非欲民之德朝廷將使綿布價自平而民得以均被也或言抄戶虛實易混 上曰若覈

虛實又損國體大約歸於民一耳又命發賣所收錢散貲市民預下戶惠廳貢價十餘萬緡以抹錢荒○前縣監朴尚春上疏陳北道弊瘼八條 上優批褒獎召尚春條問又召見大臣逐條商確因奢侈事教曰北俗素稱醇厚而捨質趨華未見有服皮咬菜之俗者莫非教化不行字牧失宜故耳令道伯邑宰誠心勸飭使遐土人士知如此為是不如此為恥漸摩浸漬歲計有效因銅銀礦事教曰礦店之嚴防即予為民苦心銅則有倭銀則

國朝實錄卷之二十二  
二十八  
有燕何必地無遺利然後方可謂富吾國乎  
仍命設科條嚴禁○上教筵臣曰欲矯貪墨  
之風必先擇用廉潔之人筵臣對曰今世不  
易得矣 上曰此誣一世耳就其中亦自有  
其人藉或無之當用其子若孫以聳勸之○  
十一月永陵忌辰祭遣大臣攝行以禮陟舊  
甲也教曰是年是月感舊采切况帶礪舊甲  
又在是年乎豐陵府院君孫趙雲翊初仕調  
用○忠壯公金德齡宣謚日親撰文致祭祭  
文書揭祠院其遺稿手蹟令湖南伯摸刻印

頒教曰讀共文見其筆便已颯颯有生意如  
見伊人一字一嗟不覺掩卷良久又以忠壯  
兄弟夫婦之忠孝匹美殺身殉國命立石表  
其里曰忠孝之里嘗教筵臣曰近世士大夫  
氣節委靡無復可觀脫有不虞何可恃也予  
之表章忠烈即為世道也○筵臣言先正臣  
李珥所著擊蒙要訣真蹟在臨瀛 上命徵  
其本進覽教曰予於七歲課此書頗有資益  
今見真本尤覺起敬年前覽退溪李滉手勘  
心經草筆畫醇正是本亦如此可驗兩先正

心畫仍跋其卷而還之○改議 義烈官官  
墓號曰宣禧錦城尉朴明源上疏言謚號之  
仍為官墓號考之典禮無可據 上詢大臣  
李性源蔡濟恭等曰改議宜也 上從之

國朝寶鑑卷之七十二

